

晚晴籟詩匯

第四一冊

晚晴移詩匯卷一百六目錄

舒位 二十五首

張問安 十一首

張士元 十二首

黃丕烈 一首

馬允剛 一首

王芑孫 十九首

朱文治 九首

胡長齡 四首

劉鑑之 一首

劉鳳誥 六首

錢開仕 四首

王甯焯 三首

錢楷 五首

貴徵 一首

伊秉綬 九首

言朝標 三首

張秉銳 一首

晚晴移詩匯卷一百六

徐世昌

舒位字立人又字鐵雲大興人乾隆戊申舉人有瓶水

齋集

詩話鐵雲生時母夢一僧執桂枝自峨嵋來故小字
禪少工詩古文年十四隨父任之永福賦銅柱詩
安南國人傳誦之丰神散朗如魏晉間人喜觀仙佛
怪誕九流稗官之書能度曲所作樂府院本老伶
可按歌不煩點竄故為詩奇博閎恣橫絕一世法時
帆常以鐵雲與王仲瞿孫子瀟並稱作三君詠趙雲
松梁山舟皆盛許焉

鮓虎行

鬼門關前人似海猛虎捉人如捉鬼人鮓甕中虎雜居居
民鮓虎如鮓魚爲言前宵俚鬼來悲風蕭蕭林木摧山根
舊有伏機弩弩末不能穿虎股不如左手提鐵叉右手打

銅鼓虎聞鼓聲見又影竿尾箕睛怒而舞是時虎意已無
人人亦不復目有虎劃然一嘯當一又一叉虎口開血花
拙叉摔虎四山響月破風腥一虎仰雙杖椎鼓兩點塵沈
沈九地追虎魂天明曳虎歸茅屋不寢其皮食其肉生吞
活剝呼巨觥白酒黃梁一齊熟我聞色變眉欲飛是食人
多毋乃肥彼云食虎可避瘴未下鹽豉敢相餉搖頭謹謝
阿羅漢願君努力加餐飯欣然就食甘如飴風毛兩血忘
朝饑吁嗟乎周處南山除一害李廣北平官不拜我如雞
肋感曹公爾自毳肩壯樊噲歌成曠野良足豪嚼過屠門
亦稱快慎勿消息傳入城縣官來收虎皮稅官來收稅尙
猶可吏食爾虎如食菜爾有虎皮何處賣

楓橋

冷落迴塘欲暮時
峭帆婀娜去何之
數行鴻雁書來少
一段風煙客到遲
關吏尙嫌愁未稅
榜人惟有夢相知
偶然漁火江楓地
記得寒山寺裏詩

冷枚華清新浴圖

落妃池上煙波綠
阿環承幸驪山足
水邊已見麗人行
殿角仍歌照影曲
照影疑從鏡殿還
溫泉水膩弄潺湲
花開陳苑臨春閣
波繞吳王銷夏灣
相從道暑鑾輿度
鈿砌雕欄裊清露
內園初進助情花
別館惟栽銷恨樹
江妃辭去念奴陪
遲日熏風湯殿開
更無紅葉隨波去
早見黃裙逐水來
須臾起舞雙魚鏡
綠鬟倭墮紅綃靚
趙后仙裙自可留
洛妃塵襪應還勝
當時但詔洗凝脂
誰賜金錢更洗兒
樓中赤鳳來何日
水底黃虬化有時
從此華清水鳴咽
延

秋門上烏嘯徹忍看驪嶺縣前流化作馬嵬坡下血碧落

黃泉夢有無蘭湯第二冷宮鳧千年禍水幾傾漢一曲香

谿竟沼吳金門畫史冷枚自號丹青選國子先生藏一卷圖爲宋助

教大樽浴鳳塵揚碧海空牽牛淚落銀河淺

宋謝文節公橋亭卜硯歌卜硯集云硯斂材修九寸七分廣五寸六分額築橋

亭卜卦硯五字面左右有元集賢學士程文海銘背有明永樂間閩人趙元識捐地得硯之由

團湖坪三寸鑄建陽市一片石更無鸚鵡好紋留應作蟾

蜍清淚滴自從歷劫厓山麓坑雲五色無人劓荆棘難尋

祕閣頑泥塗何況橋亭卜不怨魏行省但笑留承旨無勞

程集賢猶有趙處士始知神物難久埋南谿七十三間開

得之地下竄狐兔捧出座上生雲雷銅爵香姜不足數玉

帶水雲乃其伍肯草蠲除詔留伴趙孟頫願寫生祭文移

贈王炎午石飛海立五百年硯兮硯兮爾良苦憶當流落
朝天橋早識三日無江湖祇爲趙氏一塊肉未入楊家七
客寮好事留傳閱兵燹黑者隴麋碧者蘚鼠肝蟲臂已不
惜龍眼犀紋那可辨重其人者物可悲一書卻聘生光輝
警鶴徙倚簷尹市飢鳳太息曹娥碑嗚呼寶祐初開蕊珠
榜放膽文章慨以慷三十功名石不言淒涼資國蜘蛛網

風涇歸舟

風涇接魏塘煙景晚蒼茫孤棹迴殘雪春潮擁夕陽夢騎
雙蛺蝶歌起萬鴛鴦好傍南湖宿寒林月正黃

汴梁尋宋故宮遺址

踏破宮牆萬瓦煙夕陽紅似靖康年欲聽簫鼓空流水更
指榛蕪作弄田彼黍茫茫乾淨土此都渺渺別離天金牀

玉几無消息一角靈光尙宛然

水涼中露殿雨
檻堦坳猶在

當年燈火下樊樓忍把杭州作汴州橋上鶻嗁新法變江
邊馬渡舊京收石鼓良嶽天難補簾颺離宮鬼自鉤一事
輓輻惆悵甚宣和書畫不曾留

洛陽貴紙寫三都爭似千金買諫書報國將軍歸北寺移
家天子占西湖畫船晴雨花深淺絕塞冰霜雁有無此是
橋山弓劍地不堪飲器用頭顱

叢殘史冊小朝廷彈入吳絃不耐聽湖上春寒天水碧帳
中酒熱帝衣青班師怏怏三軍雨攬轡迢迢一使星賸有
拳簾黃袖子相州樓上話飄零

望水亭瀑布歌

天孫織錦愁復愁當窗軋軋逢牽牛停梭一晒秋水闊聞

聲對影私綢繆不知何人訴天帝帝怒倒決銀河流浪花
破蕊開頃刻冰飛雪駭無停留乘槎之客疾歸去西池王
母驚防秋南來烏鵲相拍浮三十六隻芙蓉鷗是時共工
氏以頭觸不周處妃手抱一卷石欲塞五城十二樓至今
涓涓滴滴泐秋雨雖有瓊斤壁鑿難補修秦王開山五丁
死漏出一綫如鴻溝溝水東西劃江海餘支散入西南州
州人不知天水碧喚作瀑布真奇絕耳如乖龍翻急雨目
如飛仙弄華雪又如千軍萬馬中白戰何曾持寸鐵層層
兜羅綿屑屑眞珠簾行來夜郎國讀破秋水篇來牛去馬
渺何處老魚瘦蛟噤不前雖有白玉京爛銀峯水精之宮
琉璃之屏風有此色皎潔無此聲硿礧長橋蜿蜒微徑通
山聲水色天濛濛孤亭一角聳而立使我目千里窮耳三

日聾開拓萬古之心胸筆亦不能繪聲聲亦轟無始終彷彿關西大漢唱江東化爲千百億萬右手亂撥琵琶銅可惜奇境落天外奇語橫胸中李仙謝賊摻牢不及到坐令匡廬天都龍湫雁宕一一欺英雄題詩上馬掩耳走蕭蕭萬籟無人蹤

銅鼓詩

望之鐵色質則銅被以鼓名聲乃鐘面如塵鏡冷不銖底如覆釜其音楚中央一束黃腰蜂土花戰血相淡濃上有文字如雲龍手三摩挲不可蹤我隨車騎來南籠此鼓獻自耕田傭問渠鑄鼓何所宗云是諸葛征蠻兇渡瀘五月濟火從功成畀錫羅甸封歲時伏臘事吉凶椎牛釃酒宴萬峯乃以此鼓代鼗鏞青山白雨雙杖筇小叩小鳴初襲

蔡大叩大鳴既逢逢天空谷應聲隆隆諸苗拜舞衣無縫
罷宴藏鼓無敢縱千載風俗茲益恭憶昨巨虛負蛩蛩鼓
鼙將帥思三冬今者戍鼓罷不擗催花羯鼓聲玲瓏請留
此鼓鎮邊壙筍業丹腹懸維縱雖殊石鼓賦車攻頗倣土
鼓追黃農金人十二銷鐫鋒并勒我詩當紀庸而我再衰
三則慵雷門之布綦難容

重過飛雲洞寄仁甫

暗泉涓涓流古洞洞口飛雲白如飡我往之日雲相迎今
我來思雲亦送雲非昨日雲客是去年客客歸雲不歸飛
來飛去蕩無迹客休笑雲雲笑人雲卽是客客亦雲百年
三萬六千日問客年來年去羌何因去年看雲雲滿衣今
年雲凍雲不飛千山萬水歲聿莫夕鵲唳罷朝烏唳山亦

月見彙言卷之二
五
爲雲遮水亦爲雲渡思公子兮雲外路可惜同來不同去
指此空林片石中與君舊坐看雲處

楊忠愍公祠

不上需頭乞郡章殘豪重掃一臺霜力排宰相冰山冷聲
撼郎官鐵鎖香九廟灰飛無劫火兩楹血食此斜陽讀書
種子何曾絕愁殺鈴山舊草堂

塞上和戎厭鼓鼙閨中抗疏撤釵笄三邊債帥驕無主干
古忠臣烈有妻仙錄荒唐天左右朝衣慘澹市東西玉熙
事事堪惆悵碧血何時化紫泥

朱野雲斷牆老樹圖爲石敦夫題

朱公示我斷牆老樹圖石公索我斷牆老樹詩之二人者
我所思之二物者我所知一在極樂寺一在太清觀雞林

宰相購真形龍門太史作合傳此牆此樹誠無雙突兀一
堆空一腔彼牆彼樹徧天下不斷不老不詩畫獨不知築
牆爲某年種樹是何意亦不知先築牆後種樹何在南城
太清觀何在西門極樂寺牆如殘碑樹如枯柴牆斷若坐
樹老而卧客之來兮秋涼攬風景兮斷腸燈丹青兮韻宮
商合則雙美兮離則兩傷蓬萊清淺須彌小嗚呼牆斷樹
亦老是牆是樹有絕期非牆非樹無盡道無有牆樹無有
諸煩惱胡爲畫之題之不肯休一牆一樹名一愁宿泥剝
剝鬼所謀孤根盤盤匠所讐展齒不到風馬牛煙花點綴
蟲雕蝨咄嗟乎嘻吁鐵圍山攔不住紅桑花種何處神仙
換劫佛滅度如是因緣不知數一爲極樂寺中牆一爲太
清觀裏樹此際無情似有情此時有句如無句若云面壁

來何不乘槎去

破被篇

讀書萬卷讀不破走入破被堆中卧雞既鳴矣凡幾聲蟲
其間者凡幾箇或曰屣可棄我不忘其敝或曰袞可補我
非五雜俎不相離別轉相親我用我法橫自陳芙蓉城裏
蒙頭入鸚鵡洲邊伸脚出一年又一年春秋冬夏無不然
萬里復萬里東西南北而已矣蜀錦重重無片段吳錦團
團逸其半參來羅漢五百尊幻生觀音十一面彈斷銅琵琶
披出鐵袈裟石破天驚逗秋雨中有殘夢恆河沙君不
聞湖州唐六歌有口又不見揚州朱八畫有手唐猶及見
未破時朱獨相憐已破後今茲襍被春明門車如雞棲馬
如狗黃竹箱中什襲藏青苔榻上周旋久被兮被兮可奈

何世間破被有許多安得盡遣朱八作畫唐六歌我乃化
爲蝴蝶夜夜飛來魔

華亭方正學祠

西山天下大師墓東海讀書種子祠一代君臣生死際百
年南北廢興時口中木石銜精衛身後文章替左司此亦
因緣香火地吳淞江水綠差差

滬上與香巖遠峯話舊感懷李味莊先生

重抱焦桐近水彈落帆聲裏暮潮乾虎賁北海詩應廢馬
策西州酒乍闌漸覺豬肝知我少更愁牛耳替人難三年
懷袖加餐字手自封題不忍看

昨於篋中忽檢
得先生手札

回首龍門謁半春書生骨相宰官身峴山魂魄俄干載滄
海文章感一塵此老不妨居戶限是誰大醉吐車茵未知

腹痛緣何事我亦孤寒八百人

禹陵

首出神明數在躬山分南北水朝東靈承四海敷文命
蠶伐三苗紀武功先甲痛心占幹蠱後期揮手戮防風萬重
玉帛思王會一卷金書鑿鬼工傳子謳歌羞益避配天俎
豆與堯同陳疇早協元龜卜鑄鼎能教怪象窮別有荒唐
開九尾須知付託閉重瞳放巢慚德原稱變霸越陰謀也
自雄野史幾時殘紀竹谷神此地儉留桐佳城鬱鬱瞻雲
氣片石乾坤共始終

暑甚偶然作

殞雲馭驕景蒸雨如熱湯遲遲異春日暘晞殊秋陽明知
威太甚勢必不久長奈其方執柄氣燄莫敢當側聞翠微

亭有山名清涼徑欲蠟雙屐天風吹我裳

一蠅集俎上終日不得食一蚊入帷中終夜不得息驅之仍復來殺之已無益小人不在多終必誤家國要當屏腥羶且宜嚴出入患至而後防乃是下下策

揮扇尙不足解衣始相宜設使熱不減勢將剝膚皮人心無定向輒爲寒暑移豈知蹈湯火涉世甘如飴耐者乃可久靜者乃見幾一熱不能忍何事可以爲

送客至莫愁湖上遂登勝棋樓有作

丁字簾櫳井字樓畫船搖出一城秋十年飄泊纔湖上子甲歲來金陵未嘗游此六代銷沈此石頭漫道佳人難再得祇因少婦不知愁棲鴉流水空消息留作詞場考異郵

如此湖山孰總持英雄兒女兩分之千秋顏色歸圖畫百

戰功名似奕棋采石磯前魚潑刺鬱金堂畔燕差池滄洲
滿壁篋篋引唱徧楊枝又竹枝

張問安字亥白遂甯人乾隆戊申舉人有亥白詩草

詩話亥白爲船山兄同致力於詩名不逮船山其詩骨格迥上聲律安諧而一出於雅正張槎仙沈輯蜀詩略謂亥白造詣在船山上信然

登甘露寺塔

飛塔聳遙空層梯肆攀陟危巔一曠放千里浩無極滔滔
黃河流奔騰恣詭激下窺眩欲動飛鳥那可及秋氣鬱原
野莽蒼但一色西望敖倉雲知是成皋邑回首俯夷門慨
然終古蹟不見信陵君憑高淚沾臆

五丁峽

南上五丁峽峽勢何嶙峋崩崖四森布怪木交輪囷風雨

疑倒壓得勢狂瀾奔驚雷出空山浩翰波濤渾奇險駭毛
髮昧晦迷昏晨當年斧鑿痕萬古青厓垠我行憶朝陟百
道川塗分人馬怯驅逐投足愁陰氛中流一簸蕩目眩心
神惜焉知免蹉跌長日憂思焚漸行滴水巖百丈飛龍鱗
迸珠泉名亦鎖碎濺石祛纖塵略喜耳目淨庸識造化神息
肩入蓬蓽稍稍進盤飧殷勤勞奚童翦紙招我魂危殆忽
如夢恟恍疑非真不觸蛟龍怒隴棧真猶人人生多艱虞
無爲傷苦辛

筒車

縛竹爲巨輪臨河若有界累石蓄水勢河勢爲之隘周輪
排短筒俯吸仰而沛夾岸饒農田接竹引其內曲曲赴溝
渠千畝俱所賴人巧奪天工天工欣有代舟行每眺望旋

轉劇無礙安得駕雙輪長劍倚天外

守風樊口

我昔行邁歷幽薊太行一氣連青蔥黃河落日照襟帶
 滄濁浪凌秋穹漁陽草枯露沙積朔風大雪迷飛蓬此時
 盤稍據鞍馬一逝千里無留蹤今來野岸趁估舶波濤直
 下江之東名流要作五湖長煙雲萬里開心胸石尤撻船
 忽作虐怒潮簸盪蛟龍宮冰夷擊鼓巨鼇立天吳慘淡驕
 青空虎蛟水兕亦奔匿金支翠羽光瞳矐西望蘄黃不百
 里五日不到心忡忡桓公捉麈對劉尹縱有意氣安得雄
 鼻息閉置氣不出帷車新婦將無同運租且學袁彥伯貴
 人那是曹景宗何當快意繼宗慤揚帆破浪乘長風

送柴儉堂歸平陸

先生讀書處門對中條山林火乍明滅白雲時往還開窗
映繁綠隱几長蕭閒到日方朱夏琴尊好閉關

甯羌道中

一徑摩天去岡巒取次行近村來樹色累石助溪聲嘯鳥
日亭午驅牛人罷耕隔林是鄉縣山意已相迎

大安驛雨送呂湘帆之龍安

古驛秦關戍山花漢相祠未堪歧路雨正是別君時駿馬
連錢轡羌人楊柳枝三泉今夕酒長與記相思

曉泊瀘州

忠山西望翠屏橫丞相祠堂列繡楹冬冷鼃鼃依澗伏江
空鷗鷺出雲晴人來遠溯資官水霜後全收給客橙何日
使君巖下屐摩厓重勒舊題名

涪江道上

疏林搖曛黃天寒遠沙退曠野不逢人昏鴉立牛背

出黃牛峽

青山影裏倒尊罍絕壁騰波鬱不開豁眼夷陵城下路萬
峯纔盡大江來

秋日宿武連驛懷船山

人間何限銷魂地觸撥離愁此獨難誰到驛亭尋舊約四
山風色太高寒

張士元字翰宣號鱸江震澤人乾隆戊申舉人有嘉樹

山房集

詩話翰宣天姿清劭故能脫時人面
目七言不及五言古體不如今體

懷友

客久不覺秋舉頭雲漸薄雲飛天風起千響忽同作殘楊
弄淺池疏桐落高閣夜靜獨把卷飛蛾燭前掠故人儻念
來於此共清酌

蕭齋常寡徒落葉紛已委暮蟬稍清心曉蠶復聒耳顧影
行空隨望遠坐忽起念吾南村友不航北流水水際芙蓉
開欲贈時還采君意或未知我思勞如此

種蘭

蘭生雜眾草偃仰衢路旁草盛占雨露蘭孤無容光我行
適見之小立還徬徨不恨草色滿恨蘭不善藏移蘭種堂
下莖葉日以長閉門幽香發眾草將安傷

初冬與黃裕堂小酌

落葉滿柴門開門見佳客熟知仲蔚貧屢顧蓬蒿宅命婦

治盤蔬留客浮大白話舊成清歡素懷多蘊積今年旱難
耕村酒薄於昔酒薄不成醉取足破孤寂

小兒不畏客座側牽衣語衫履皆村狀愚陋上眉宇詩書
誠當知稼穡終可取貧家缺衣食力田固其所慚無孺仲
高謬得故人許令子他日來荷鋤儼賓主

竹西草堂宴集分得還字

言謝京洛游養拙歸溪山故人方開徑招邀喜我還邂逅
諸君子晤言適林闢重尋白社盟尙帶黃塵顏臨池識魚
樂倚樹覺鳥閒昔年屋後筍一一成竹竿霜葉漸飄落秋
花正爛斑不辭滿觴酒且追良辰歡梯雲上高閣洞庭露
雙鬢去去願攜手蠟屐同躋攀

貝氏園

愛聽求友鳥不問主人翁樵斧幽林響漁梁曲水通如行
幾村落忘在一園中欲識名山面牆頭氣鬱葱

靈巖
在外

夜泊松江簡同舟二客

水色明於晝篷窗已二更罩魚漁有影散米市無聲山斷
雲歸寺天空月入城吾曹今夜意好共一江清

夏夜卽事

長夏最清處廣庭深坐時螢明草際火蛛挂月中絲露響
微聞竹風多恰近池更看小兒女散髮繞廊嬉

人日晚香堂小集分得堂字

嘉會逢人日春林擁草堂雪因來客壽花爲舉杯香聚散
眞成夢交游半老蒼預愁江上艇對酒不能忘

登樓

春曉北樓上風多忘日暄見花思酒客望柳憶柴門高下
城中屋青黃水上村誰知飄泊處猶似觸籬籬

客中偶成

戶檻橫蒼石

諸賢屋戶多以石爲檻

庭階繡綠苔雨兼秋瀑下風挾

海潮來得酒當山飲登樓少客陪依然櫟社樹無用卻成材

黃丕烈字紹武號蕘圃長洲人乾隆戊申舉人大挑知

縣改捐主事有蕘言

詩話乾嘉以來收藏舊籍蕘圃實爲大宗近自絳雲述古傳是延令上濬明代諸家傳流系緒略相踵接顧澗蒼作百宋一廬賦蕘圃自爲之注又輯百宋一廬書錄其題跋傳世今及見者逾六百種士禮居叢書影極校勘致精所得書多繪圖題詠以書中一字限韻禁押本事名旒廣印率成佳話後所藏歸汪氏藝芸精舍聊城楊端勤官吳中得之海源閣宋元精槧皆黃氏故物崎零散在人間士夫家案頭時復涉

目可徵當日蒐聚之富丹黃警勩矜慎不苟所謂
讀書者之藏書猶有前輩餘風非空談鑒賞也

題賜書樓舊鈔本梁公九諫

九諫詞猶在文章震李唐安危資柱石舉廢得津梁氣挾
雷霆厲心爭日月光名臣傳表奏應比賜書藏

馬允剛字見一號雨峯開州人乾隆戊申舉人歷官池

州知府

詩話雨峯相傳爲明鐵忠烈公裔避難改姓其令略
陽教匪來攻雨峯督民收麥入城堅守三日師至圍
乃解令沔縣寇方張令民築堡四郊爲堡四十餘爲
賦築寨行寇至秋毫不能掠督鄉兵與戰擒其渠甯
夏兵變既定奉檄賑撫又爲賦哀鴻篇歎災行
紀其事論者謂次山春陵賊退之作不是過也

過饒峯

疊疊寒山翠幾重興元奇險說饒峯數家村落依殘壘半
嶺寒鴉下夕春戰血年深悲化碧行人道倦話傳烽臨風

欲問前朝事今古茫茫感舊蹤

王芑孫字念豐號惕甫一號鐵夫長洲人乾隆戊申召

試舉人官華亭教諭有淵雅堂集

詩話揚甫詩妥貼排界王蘭泉稱其上選杜韓而實出入於郊島間五言古尤工符南樵又稱其題畫絕句均有託意如百合云甘苦中分意味長憑將玉葉化瓊漿從來與世離甚就爾商量益智方木瓜云宣州風物記當年充食叨塵玉案前今日芳心欲誰贈先生木強故依然蓋皆藉以自況也

觀石菴先生所藏陽明山人銅印作歌

銅章扶寸紐壓龍朱文蒼勁氣渾融陽明先生古作者新
建儋爵膺褒封當年手握霹靂符千軍揮卻心從容甯藩
就擒事不易上捷竟上中官功南贛撫臣印斗大一笑擲
去還山中頭銜竟署山人字至今心迹留枯銅諦觀確洽
不草草撥蠟爲範加鏡攻高陽許初篆其字旁列款識書

尤工世間榮辱那有據盛衰一往如飄風侯伯大封賜鐵
券瞥眼春雪同銷鎔區區餘物僅存此土花繡蝕斑青紅
忠魂道氣所憑託埋沒不下騰長虹鬼神呵護三百載流
傳又遇司農公我公作人有風味嗜好殊俗爲儒宗銀黃
入手不介意寶此獨若珪球瓏摩挲豈惟悅清燕拂拭正
爾增虔恭心光萬古一頃刻良知寒暄驗自躬世人但識
宋五子拾宋糟粕講異同宋儒堂奧初未見叩槃捫籥隨
羣矇神徂聖伏儒者賤宋五子恨無終窮兼三不朽破空
出天遣與世爲晨鐘陽明不出道墮地坐令學究成冬烘
陽明既出道在世如曉日挂樽桑東山人還山若無有始
覺儒者真英雄知公必有心印在鴻蒙一氣中流通直尋
仙佛本來意以證濂洛希微衷

官道柳

臨清官道柳采掇有飢婦年年旱魃殺五穀客米千錢僅
一斗有飯柳作壑無飯柳作糜阿夫河南趁工死歸食老
姑兼哺兒春風飄飄春已深枝葉老硬傷人心

乞米婦

乞米婦形樂樂與錢不肯受乞米聲悲酸兩年水災蕩廬
屋三年旱荒斷食穀生兒四歲良獨苦長食樹皮少食乳
可憐不曾識米味安得香秔洗其胃官今與米歸作湯不
與飽食聊與嘗

馬蘭口

天劃中原盡山隨絕界分壯心懸落日邊氣結孤雲此地
連三輔前朝頓萬軍車書今一統守將總能文

登平山頂

平山望不極山背畫陰陽斷碣穿雲黑長城界樹黃地懸
惟鳥道天盡卽龍荒一眺無中外空煙點點蒼

鮎魚關

山壓孤城斷關臨大漠開列屏高礙日陰壑自生雷古隘
魚靈守秋空虎氣來繼光曾轉戰鎖鑰想邊才

清明後十日陳古華農部廷慶招同秦小峴舍人瀛

邵荻香梅德徐朗齋嵩兩孝廉小飲肄書篋次小

峴韻

無多觴政客須遵煙禁纔逾十日新綿雨勒成寒食景好
風吹聚故鄉人酒如不飲孤良會花但聞名逗遠春已是
恩恩三月盡未宜愁過浴蠶辰

金谷詩成罰不遵，飲惟文字亦翻新。三條燭尚留吾輩，百尺樓應卧此人。日下鶯催長短句，雪中花蘊淺深春。閨桐準放韶光駐，展禊何妨待浹辰。

出塞

吾今果何爲，輒作塞外游。立馬南天門，羣山鬱糾繆。風吹冒谷雲，敗絮擁破襦。日光漏其間，金碧亂我眸。黑者黑如髻，赤者赤似髮。數峰忽雪白，宛以粉筆鉤。此理不可識，岡巒浩難收。化爲曲江濤，萬馬奔瀉頭。陰陽互追躡，向背紛雜糅。使當作此畫，皴法何處求。方知倪黃輩，足不踏九州。只寫江南山水墨，森清秋。但言江山好，未覩行役憂。甯知點點煙中有，萬古愁天低落日。大客與孤鴉投。

塞館雜詩

邊山莽無極其來若長虹中間萬堆阜起落相雌雄當其
谿衍處居人以爲宮築基無定嚮隨勢爲橫縱旭日朝在
梁暮日還穿櫳乃知東家西不是西家東東西本強名拘
墟詭章逢人生處大地下上緣蟻封朔方千人帳南海萬
斛釐其人更相笑等爲綴窠蜂甯知九州外積水浮空濛
吾居小西溝眾水走其麓一雨浩無涯往往沒馬腹厥土
墮而疏滑汰苦堯塙邊居出無車有亦當折軸借屋祇二
間置我并兩僕瓦脊動鱗甲牆罅下雷瀑屋如漁舟小水
氣浸衣綠斜風捲地來恍將蕩迴泐飄然江湖心一葉穩
百斛曉起白濛濛方知抱雲宿此時山頭望見雲不見屋
春江欲入戶快取坡詩讀

貧士若孤雲隨風自縹緲或來墮檐端或去冒林杪浩然

太空中聚散憑秋昊無依與有託雲自初不曉丞相吏朱
雲大夫掾孫寶二生自標置猶道不爲好古之賢達人志
不在溫飽不知古今人何以異其道覓舉趣爲官立意馳
八表家人方夏釜明日晚餐少何者是遠謀一飯盡干巧
懷哉孔顏樂樂處果不小飯疏食飲水疏水具之早有巷
有簞瓢優游足娛老

家秋勝大令

復

以嘉慶元年九月與黃小松

易

武虛

谷

億

爲嵩少伊關之游尋碑選勝作圖紀事其年

十二月往求孫淵如

星衍

篆題其首明年五月以

書抵余華亭官所求詩

生平濟勝苦無具僵卧甕牖如蠶眠九峯三泖衣帶物坐
隔霧雨如天邊忽漫打門有題奇龍門伊關來吾前吾家

令尹老登屨部下山水雄且妍脚鞵手板了不因能致二
客甯非賢高厓長谷勢開闔瓊花瑤草光新鮮昆都侷水
黃界地古陸渾火紅燒天奇懷正逐秋興發秣馬逕往聯
鞍鞞仙肩森沈蓄靈閣從僣包裏攜椎甌瓦棺篆鼎徧搜
索斷鉤蝕畫爭摹填攸緒早存邱壑志虛魯直慣注蟲魚
篇小洛下迦藍補前記嵩陽石刻增餘編伴來以圖要著
句不遠千里馳封箋我無簿領自蹙縮君宰緊劇翻清便
何須較量問才地只論胸次區霄淵側聞秦蜀頗有事羽
書旁午從三川楚氛沿江飛礮石豫州錯壤橫戈鏗雖經
勦殺鳥獸散尙爾團結蜂蟻纏嗟余季爲國殤哭歸魂血
面爪透拳三塗太室古阨塞公等那得心飄然詩成火急
遣來使引領北望空雲煙

醉翁吟

六月廿一日賓谷集同人於清謫堂作歐公生日子方輟詠因課同作

滁山高滁水深醉翁吟處當時寫之以爲醉翁吟醉翁吟不在琴冷冷所寫翁之心翁心牢落軒天地醉翁住世無古今迄今化去六百有餘載桑海迷茫幾興廢風月江山與會同文章氣節精靈在登堂警效儼如生圖畫飄飄觀冠佩滁州移命守揚州揚州又見來鄉輩自古文人命不猶相同惟是一清愁韓公月宿逢南斗屈子離騷降孟陬作者淒涼說我辰後來豔羨傳生日黃泥阪下鶴南飛腰蓬人來紫裘逸何況醉翁曾此行吟地後起同鄉更同志轉運甯殊河北勞風流早向淮南嗣碧筵上祝翁生主人略似翁生平再添萸葉非雌甲要屈荷花作後庚君年正自及翁年鬢鬚漸欲成斑斑賓谷今年四十二正歐公守揚之歲又以六月廿三

日便襲翁名不須讓收取曼卿子美莫使流落隨人閒元祐高文久軋茁儻從君手能追還醉翁所到君亦到江南江北何處非滁山

前侍郎李鶴峯因培遺像

嗟公起炎微天荒破完璞百駑駘騏驎萬鳥覩鸞鶴持衡徧東南蒐材盡械撲羣訝藻纒紛無奈氣雄獨時戟頭上冠肯畫紙尾諾士流或遭點吏牘常苦駁率真泯周防嫉惡類嚴酷世久熟夸毗誰容獻牙角遂以陽子剛坐下鄒生獄功名雖不終文采良自足風流前輩傳科第後賢續毀譽久而平行義徐可錄再世寓浮萍百年等風燭易乾主乎剛夕惕謹無欲坤動直以方柔順固所助試參過去因更與將來告

讀史

邪教世多有張角始漢季角一妄男子造亂何容易外挾
萬災黎中通十常侍伏莽燕寢間諸將徒麾幟甯知五斗
米常侍暗爲地封諳與徐奉發覺勞捕治斯時天亦怒翦
除當以次張讓亟叩頭怒解仍無事古今變雖殊往往出
所備從來憂宦官成敗燦曩記覆車乍驚奔繼軫還道至
咸虞近不遜孰料遠生對旁皇釋聖言彌隙將奚自諳等
雖伏誅讓輩繁其類駟馬不可騎飢鷹自然鷲誰當守王
閑替御箴有位

讀後漢書

長慶之四年張韶起爲賊卜者蘇元明從中傅之翼內坊
紫草車刀杖載叵測闌入銀臺門邊有百夫匿公然清思
殿登榻來對食揮兵殺闖者呼鬪勢孔棘桓桓神策軍禁

廟備番直軍使康藝全入討不待敕喋血到天階掃平戰
亦力遂咎諸門監當司遞黜陟是時方鎮誰精勤講供億
新進打球衣罽畫金絲織宰相李與牛生平工默默非無
裴晉公行吟甘去國昌黎悲送窮讒諍方交逼何況玉溪
生潦倒無人識

讀舊唐書

帶劍雲龍門晉書事略錄持梃慈慶官明臣爭聚族要其
事皆疑淺深隨所鞠有元旣崇佛演揲變國俗因多內道
場蕃梵往來熟縑素久滄訛蘗芽遂潛伏妖僧高菩薩蘊
謀成反覆干戶王著者相倚爲背腹其時駕在行諸臣遞
入宿倉猝非所虞刀光閃籠燭堂堂張九思奮起快殲戮
事平第其功忠勇九思獨覺由用事臣禍被宮省酷然猶
未入中亦未驚輦轂女子小人間前修費商榷冢宰領宮

中周官義可復

讀元史

滑臺故巖州魏晉積戰爭本緣滑氏壘增之以爲城兼有
逢明阨未隨陵谷更堅嶮不可攻曩牒載分明兵法貴攻
瑕何事以力征其民俗剛武夏育所自生至今雄雞冠上
冢祭結纓古城築來久或空蒸土成不容卓錐刺安有一
礮轟火攻良下策穴之詎能傾臺前赤眉聚山上白馬鳴
元戎虓如虎分樹盪寇旌梯登旣雲屬烽舉亦雷驚滅此
乃朝食不覺老我兵宰相須讀書有將皆韓彭謀帥取敦
詩悅學利師貞

讀太平寰宇記

朱文治字詩南號少仙餘姚人乾隆戊申舉人官海甯

學正有繞竹山房詩藁

詩話少仙居姚江之東種竹萬竿嘯詠其間梅伯言稱其人其詩俱似樂天少仙亦嘗自道其所得云前

賢白傳編長慶後起青邱集大全私淑兩家難自信
敢期湖海徧流傳又云自搖禿筆偶吟詩夢裏花生
未可知興到只宜行我法情真畢竟耐人思香山鍊
出和平氣玉局神來游戲詩老去借爲消遣計推敲
入細漫成癡少仙之詩純任天籟流轉自然頗得樂
天遺意而洗伐之功遠遜青邱其詩名與船山相亞
宗派性情亦相近船山言少仙將歸時冷雪初晴庭
宇皓潔夜風掃雲明月欲動眼前真境卽吾少仙詩
境也可
謂語妙

張船山檢討見和畫蘭詞作此奉酬來簡有近日同

夢人病心頗不樂語因爲遣之

一闕新填楚客詞春風齊著畫蘭枝筆隨意轉君無匹話
到情真我亦癡臨鏡雙鸞相向處隔花雛鳳欲飛時山齋
有客無聊甚何日攜尊共論詩

洗象歌

宣武門前傳洗象打鼓揚旗作儀仗六街女士憑玉河並

駐雙輪笑相向玉河水漲碧於油赤腳烏蠻手挽鉤回波
深入一千尺大客堪容七百頭歸然莫慮臨波卻斗膽乍
移前右腳橫流捲鼻飛半天不律儀來總難縛蠻奴撫象
靈如鼠象視蠻奴愛如父雙帚浮塵爲掃除四躡觸石齊
歡舞歡舞憑誰叶管絃歡聲兩岸動雲駟回看瑞象鳴鉦
去翻愧癡龍枕水眠魁梧體貌甯求異一洗年年喜循例
白額長教鐵圈籠南山悔自爭牙利

書船山紀年詩後

滿紙飛騰墨彩新誰知作者性情真尋常字亦饒生氣忠
孝詩難索解人一代風騷多寄託十分沈實見精神隨園
畢竟耽遊戲不及東川老史臣

吳槎客明經以手畫山水見贈作詩志謝近聞有亡

姬之戚並爲解之

槎客先生七十七老手能握兩枝筆詩曾索寫屏幃新畫
忽摹成林壑密早年工詩晚工畫畫意都從詩意出連宵
風雪寒打窗坐使生光滿蓬室我聞善畫山水享大年息
心求理心恬然憑空潑墨鼓元氣何待採藥誇神仙神仙
眷屬金閨籍近事傳聞劇憐惜小紅飛作馬塍花悽絕吹
簫姜白石老眼西風淚不收深深埋玉銀灣頭拜經憶昔
同看月索句何人共倚樓我與先生無一面仰之如魯靈
光殿海天尚有滄桑變何況曇花霎時現從此不畫雙蛾
畫東絹自對萬幅煙鬢老忘倦

雨夜懷雲巢司馬

訪菊連番約東籬趁未殘海天風雨驟羣展往來難獨酌

明詩卷言四卷一五下
不成醉懷人時倚闌今秋看又過留待落英餐

野望

幽徑斷人行遙天向晚晴炊煙青上竹海氣白連城日落
出漁火艣多疑雁聲秋潮漲初足愁與石塘平

季夏東方初白聞蟬聲有作

新蟬爾清絕破曉獨長吟一樹忽秋到滿庭皆綠陰有人
初覺夢何處著鳴琴莫漫催紅日檐前暑氣侵

積雨初霽見月

清和時節冷於秋旬日簷前雨不休太息落花都墜地何
期圓月正當頭酒人痛飲同飛瓊詩客高吟獨上樓轉惜
一彎空匿影湘簾垂處不曾鉤

宋文信國公鐵如意歌書于拓本左方

大魁天下早如意對策法天天廟器爲有忠肝鐵鑄成舊
藏手澤猶生氣六百年前殉國身摩挲古鐵空傷神曾經
百戰思興復握此指揮千萬軍嗚呼唾壺擊缺聲何壯欲
破頭願除賈相宋祚天心難挽回臨刑下拜猶南向君不
見姓氏錚錚小篆鑄甌錐藤紙廣流傳讀書意欲學何事
取義成仁如鐵堅

胡長齡字印渚江南通州人乾隆己酉一甲一名進士
授修撰官至禮部尙書有三餘堂存橐

濟南使院玉璣瓏石

海棠泚外綠莎廳盡日相看擁翠屏東海袖中落吾手岱
宗游後得真形一痕祇待雲穿白九點常疑雨過青直向
仇池通小有平泉猶愧草堂靈

癸亥三月薄游西湖時阮芸臺開府杭州那繹堂尙

書亦以讞事駐浙皆已酉同年也卻寄以詩

不曾夥涉徑呼門定勝平津閣內賓五相一漁渾閒事不

招明月恰三人

曾辱先公褒一字而今誰念次公狂惟應魯國奇男子肯

說江東老孝章

阿文成公於太和殿侍班時以挺字見詩釋堂其孫也

我本江東一步兵多君千里致尊羹湖樓小住聽春雨不

爲秋風作此行

芸臺中丞以尊羹餽子

劉鑲之字佩循號信芳諸城人乾隆己酉進士改庶吉

士授檢討官至戶部尙書諡文恭

詩話文恭爲文正孫文清從子三世諡文明闕縣林氏文安文僖文恪祖孫父子三世爲尙書並起家詞館得諡文繼之者卽劉氏而名位尤過之

嘉蔭移成

小築何妨陋作銘誦芬還憶錦秋亭
家山久別勞塵夢畫本重開儼舊型
自愛翎修冲漢鶴莫教囊負讀書螢
空庭老樹尤難得起舞頻看厯厯星

劉鳳誥字丞牧號金門萍鄉人乾隆己酉進士改庶吉

士授編修官至吏部侍郎降編修有存悔齋集

詩話金門爲南昌彭文勤入室弟子館課作哈密瓜賦贈炙一時文勤喜之畫於筆端且題詩云句中香透字中寒三館高材擢露盤西抹東塗卅年事老大富讓一頭看

歸途

春到南天雪不飛關山落落壯心違
久無雁過書難得五見梅開客始歸
老屋杉篁寒色健故園菘芥晚煙肥
還鄉富貴慚何有且試斑斕萊子衣

渡鄱陽湖

茫茫左蠡去帆齊吳楚東南望轉迷落日一丸平野盡寒
雲四面大湖低江潮斷絕蛟鼉失風葉纖疏雁鶩棲此地
自來鱗臄滿時清萬古息征鼙

登黃鶴樓

東下萬里水此山橫一樓岷峨大江塹漢河古時州仙者
已黃鶴野人空白鷗吾將攜鐵筴吹破四春秋
太白神仙謫騎龍任去來如何鸚鵡句移到鳳凰臺天地
豁雙眼江山歸一才時平烽傳絕楚塞跨雄哉

雪後蔣伯生諸君子邀往湖上看月

一湖凍玻璃月奪雪色白照天八百里嶽氣混溟澤蛟龍
蟄冬窮那敢吞素壁眾陰呀然開冰骨幾欲坼森森古東

州萬物謝雕畫木葉風以盡荒岸送蕭城我來始秋蒔荷
葦刪所積顛倒南山影屈注濟水脈謂是矜乍見莫便窮
婉孌茲馬卜三年臨湖住官宅半匱青銅鏡早晚鑑几席
紅情佇花谿綠意及柳陌美景宜可常歲寒倍相惜近旬
雪彌天呼月來咫尺空明互激射清濯肝與膈翻笑湖主
人拉爲看湖客君子有酒漿並坐樂今夕齊菘嫩甲翦汝
魚細鱗擘杯行勿逸巡一舉轟糝百三更般鐘鼓衣袂冷
侵迫策我羸馬歸迴首湖不隔佳境託邂逅古懷話疇昔
明晨約登樓看此雪中迹

冬初望湖上

半面林湖瞰我扉荷枯柳禿送秋歸年成大好螺蚌富月
色微明雁鶩稀十丈樓高鐘不打一條城近帶如圍商量

破卻清齋可粗喜新寒壯酒威

錢開仕字補之號漆林嘉興人乾隆己酉進士改庶吉

士授檢討歷官侍講有漆林集

詩話文端諸孫良齋漆林竹房先後登第同官京朝
漆林視學滇南巡試廣西州卒於行館海昌祝懋裳
蓉楮與交好時客京師夢漆林示以詩曰六十年前
一老儒廣歌何意際唐虞偶來蓬島同閒鶴卻返雲
翰等化鳧障雨蠻煙埋舊蹟電光石火悟今吾故人
期我重回首記取當年未幻軀蓉渚以告漆林從子
心壺心壺轉漆林遺詩用玉谿生木蘭花詩例附綴
卷末心壺非妄語者茲編不錄神鬼識此以當癸籤

荆門懷古

千古興亡指掌間天然門戶最孱顏泉疑沸鼎源通蜀城
列圍屏勢控蠻樹色遠迷羊角寺雲容深護虎牙關宋臺
梁館都荒廢賸有圖經志象山

公安訪少陵山館遺址不得卽用杜集移居公安山

館韻

南國仍多霧，油湖夏亦寒。置郵何處所，獨立感無端。出峽傷時暮，移家迫歲闌。他年誰好事，山館復公安。

度辰龍關

絕壁巉巖曲磴通，筍將穿破翠玲瓏。人行霧靄煙霏裏，秋在蟬聲燕影中。纔過雨天凝遠碧，未經霜樹逗輕紅。蠻方共識昇平樂，誰話當年轉戰功。

擬出城看花大風不果沈舫西

琨

金筠泉

孝繼

同集

寓齋大兄有詩次韻

蹋青有約算連宵，預想衝泥款段驕。半夜風林聲乍猛，一天花事夢偏遙。閉門坐惜韶光去，隔巷還能勝侶招。且典春衣供買醉，西山屋角翠如澆。

王甯焯字熙甫號直菴高密人乾隆己酉進士授主事

歷官御史有在山考功西臺諸集

詩話直菴得同縣三李之傳
號上入室詩守師法甚謹

題友人野圃

野圃清還僻臨溪一徑斜
曉聲瓜架雨秋色菜畦花
斷岸敲荒樹新流露淺沙
時還招靜侶薄暮看殘霞

題少鶴先生普陀山寺亭雅集圖後

石湖去後六百載粵山黯
躡無光輝信知洞壑本非異
得名正以詩人詩一朝造物懼
湮沒大搜宇內才無遺簡尤
拔雋命七子以詩闢滌昌明之
泉鳴激激入絃管嵐翠森森
羅罍卮興酣醉墨灑谿洞一時
吐盡胸中奇遂令中原好奇士
蹇裳各願南荒馳披圖彷彿見
山色更想如意還

搢頤欲問作圖者誰子圖內詩人朱布衣

夢五星坐山广下指一草示余云是當歸感賦此章
翠广棲身碧四圍向余指點藥苗肥無他謏隱何難解如
此溪山自不歸夢裏猶煩賦招隱史中曾見美知幾掃除
故宅松橋畔便脫朝衫著薜衣

錢楷字宗範又字裴山嘉興人乾隆己酉進士改庶吉
士授主事官至安徽巡撫有緣天書屋存草

詩話裴山善畫山水能合麓臺石
谷爲一兼精分韻與詩稱三絕

周岐東大令以菩提紗見贈賦謝

商鷹一夜飛海南木葉吹墮山華龕詩人懷抱溢秋思華
牋不盡番雨三菩提有樹本無樹此心難效枯禪參弭擢
何來故人惠啟緘先覺清風含葉大如掌紋碎瑣筋細縈

髮痕鬢鬢潔白一片雉尾展瑩薄數疊蟬翼慚玉華刻楮
宋人拙僧房肆柿韓公愁蝕處成文豈飽蠹聲聞下筆如
食蠶強名曰紗未稱實更無方空滲墨酬得非西天貝多
樹光明無礙佛日涵祖師初來譯象載皮紙木筆窮雲嵐
移根講樹入震旦一一書盡蓮花函綠陰轉思樹頭合光
孝寺古枝粲粲六丁欲拔幾劫火到今生意猶潭潭空山
落葉徧狼藉沙彌掃地還搜探俗眼好奇遂矜衒騷人墨
客珍雲藍古來繩簡變麻竹翻新製樣工巧諳書家輩出
更踵事災及絹素供幽耽織杵漿硯徧寰宇海東紙貴爭
取甘祇林叢樹逮爬剔菩提示證甯非貪顧以朽腐化有
用悟茲物理齊莊聃世無竺鳩闡經藏藝林收貯窮書蟬
風月句好吟冊滿簪花體寫石墨媵婁羅音偶訂梵字般

若經或書茅庵僑童菩薩取材一此論可矯闢佛談我來
炎微滯水驛蓬窗枯坐如瞿曇綺語不洗都自淨筆牀墨
匣鑪香穢文字緣深感持贈翰墨理妙思噦哈爲政不傷
令清白胡威絹比君也堪作詩謝聲口翻傷片屹突過山
如簦

柳州謁柳侯祠

文章在天地如泰山一塵榮名照千古豈不貴立身侯誠
賢刺史咄哉黨佞文昌黎一銘墓大筆力干鈞遂使俎豆
光今耀羅池濱當時走京國告者歐陽君嗟嗟賢從事附
茲名弗淪死生朋友間高義懷古人

青青松柏枝不見龍城柳惟餘劍銘字筆法辨跟肘傳聞
涉洞庭攜鎮風濤吼行客爭椎墓登登徹座右不知劍與

柳何者神所守墨雲荔子碑竝護燭南斗

文詞湖湘南實始侯講畫距今二千年土類昧程尺六經
誦未完妄念科名弋語以論孟義理解半扞格安得乞侯
靈蓬心一洗易再拜爲薦馨羣言丐瀝液

太平土州飛來鐘歌

金精鼓橐銅官飛入江鬪龍騰殺機豐隆擊劍刺紐斷裏
創蝕土瘠不歸至今僵立土司界偷兒磨鉛輒遭械云何
神物此狡獪荒徼圖經失所載檢校使者非黃車足跡不
踴明都隅大小東陽太守王辛甫能好事手攜甌蠟文新
模文稱鐘主楊景通富良刺史宏農公思琅廣源兼節度
尊階一一東都同戶屬太平爲世族高曾祖考皆勳庸帝
婚迺締壽陽主陬陞惣轄銷兵戎司凜山前架巖岳崇慶

寺開賁梵宮皇帝寶祚祝綿茂太后聖壽增延洪爰鑄此
鐘留供養用捨柴阡餘斤銅會祥太慶紀年四作記元宵
鏡月中曹良輔撰楊某筆校書集賢華資崇我從紀年憶
彷彿實維安南李乾德乃父日尊僭帝制設官比似中朝
職誇張炎極假二州漸稀使問羈縻絕豈如趙佗竊號聊
自娛朝廷容之坐姑息寶坊莊嚴今何在鐘矣鑄錯字不
滅南郊授朔少常姓不待天戈自相賊嗚呼往事安足論
湧幢小品談無根執搜文字到瘴窟何況此地當年猶異
域我無書史足攷稽作詩尤如寸莖擊歸攜墨本小長蘆
銅鼓齋中張坐隅好借白蓮寺僧日本書東西對陳如璠
瑛勝讀東方先生十洲記或當閭家職貢蠻夷圖

貴徵字仲符號一堂儀徵人乾隆己酉進士歷官吏部

郎中改道員有安事齋詩錄

中山紙用山谷奉答茂衡贈紙長句韻

海苔生海凝豨肪潛然陰火浮幽光海人擣治成側理肌
膚瑩薄欺硬黃今年敕使特持贈茂先不敢書瑰章平山
一藏佞盧語脈望浸淫斷章句山僧索我赫蹏書白氈朱
繩象馱去小窗習靜寫法華定勝摩醯供花雨嗟乎我用
此紙不負紙可識三乘結聚處此紙永在閻浮提好將文
字證初祖

伊秉綬字組似號墨卿甯化人乾隆己酉進士授刑部

主事歷官揚州知府有留春草堂詩草

詩話何子貞東洲草堂集題墨卿書云丈人八分出
二篆使墨如漆楮如簡行草亦無唐後法懸厓溜雨
馳荒籬不將俗書薄文清觀破天眞闢道眼墨卿本
出諸城之門其書欲別闢蹊徑偉岸自喜結構波磔

時露荒怪後嗣摹襲成俗格殆亦作法於涼歟詩
才磊落民隱殷懷揚州士民寘於三賢祠以配歐陽
文忠蘇文忠王

文簡稱四賢云

賑災

乙丑歲守揚州值七邑水災次年尤甚於是自
甲子以來疊弱三載茲冬麥未種哀鴻嗷嗷賑
金無算惟有身歷面稽見吏有侵漁者
矢應鵠之逐而已紀詩無文惟以告哀

灌水入蟻穴亦有芥渡升堂坳二州五縣民安能懸耒三
載衝波濤河伯不仁風伯怒終朝噫氣欲拔樹可憐樹葉
盡充糧釜甌上屋房入房房中白髮翁與姥恨非少壯能
逃荒一沾皇仁淚如雨那得貨布成酒漿

城中履繁霜城外滔滔無草黃昔時墜戶入室處祇今舍
作蠶蠶藏蠶蠶慎毋久窟宅中有先人之白骨

鶴鶴叫月江楓殷忍見白浪來排山北不開雲梯關東不
關關龍港馮夷驅人作螺蚌豐年餓死海陵倉有水無土

天茫茫鬻子負鹽過江竄老兵得之疑城且

種麥種麥婦子忙臨流一慟霑衣裳眼前半菽不能飽
計將享以彘嘗去年典牛幸未贖羨爾得生且生犢吁嗟
算口授官糧餼生自愧爲民牧

題明孫節愍遺書冊後

節愍名臨桐城人爲揚龍友監軍同盡節於仙霞嶺

朝廷不用劉宗周金甌失守銅駝愁南都不用史可法黃
左交猜馬阮狎相臣姻婭鎮京口神策軍來棄縵走倉皇
爾足江郎山一死已蓋平生醜貴筑安能遽死忠爲有監
軍孫武公各留寶墨本合傳再遷朽骨還同封孫氏子孫並龍友遺骸收葬於桐城香楓嶺君不見皖城起事金忠毅正希當時並命江
天一石齋殉國三人從就中記得毛玉潔吾生獨惜錢謙
益愧負陶庵爲上客吁嗟國事不可爲死乃庸行毋足奇

盛朝亦表范公節誰佐之者留山嵇

武勝關

山勢通秦嶺關臨列岫開天低鄖子國雲沒楚王臺晚水
涼侵月秋花亂繡苔三閭哀怨後最重賈生才

寄韓桂舫觀察

故人持使節應上巴陵船曾作浮槎客相思落木天月華
洞庭水蘭氣瀟湘煙亦踐君陳跡驅車到海壖

高唐州

季重心情雅好歌驂停齊右漫婆娑兒童未解綿駒曲父
老能言鳴犢河城郭南來堪畫少風煙東道覺秋多商聲
激越來林表草草津亭喚奈何

送同年達梅岑檢討奉使西域

涼州西去萬重山，鴻鵠高飛雉子斑。
珥筆詞臣秋出塞，囊弓都護夜臨關。
風吹白草霜千里，天接黃沙月一彎。
羌管未妨聽野戍，班生三十好容顏。

言朝標字皋雲，常熟人。乾隆己酉進士，歷官鎮安知府。

有孟晉齋詩集

詩話皋雲初以召試，賜舉人，授中書成進士，改刑曹。出守夔州，有惠政，以忤上官，改簡嚴麗，生贈句云：十解蒲桃羞換郡，一枝蘭蕙忌當門。雅切情事，爲時傳誦。

羊流驛訪羊太傅宅

昔看峴首山亭記，今讀羊流驛路碑。
落日飛鴉尋故里，春風下馬拜荒祠。
功名到此真無愧，魂魄歸來定有知。
一片孤忠留讓表，笑他學步庾元規。

沂州二疏散金臺

疏傳功名善自完，土書早脫侍臣冠。
得還故土真奇福，難乞閒身是達官。
祖帳一時增歎息，畫圖此日共傳觀。
臺前過盡懷金客，誰解歸謀故舊歡。

雨宿汝墳禪院次壁間鮑雅堂前輩留贈寺僧韻
欲尋彼岸歎迷津，暫對山僧面目真。
暮雨留車成小住，寒雲鎖寺不知春。
子將月旦尋遺論，明遠風懷信可人。
記取汝墳橋畔路，重來桑下證前因。

張秉銳字頴叔號石農丹徒人乾隆己酉進士官濟甯知州與兄秉鈞合編護壽堂同懷集

與趙芳儒夜話

小菴燈火各相憐，寒食清明又惘然。
滿架茶蘼行酒地，一簾楊柳泥人天。
不堪遠夢如長夜，只恐深愁損少年。
聽到

晨鐘漫回首好將生計問漁船

晚晴移詩匯卷一百六終

晚晴詩匯卷一百七目錄

阮元 二十三首

汪廷珍 二首

顏時普 一首

張青選 一首

朱廣川 二首

曹應穀 三首

邵希曾 三首

秋學禮 一首

彭鼈 一首

胡昌基 二首

蓋方泌 十首

黎簡 三十四首

趙德懋 二首

張其祿 二首

尤維雄 五首

熊攀龍 二首

孫蔚 二首

黃鉞 十首

蔣祥輝 一首

錢福胙 六首

石韞玉 六首

陳慶槐 二首

陳之綱 二首

李鑾宣 七首

王蘇 十三首

邵葆醇 一首

桂馥 二十首

張若采 四首

王應垣 一首

鄭大謨 五首

封大受 二首

晚晴移詩匯卷一百七

徐世昌

阮元字伯元號雲臺儀徵人乾隆己酉進士改庶吉士授編修官至體仁閣大學士重宴鹿鳴加太傅諡文

達有學經室集

王蘭泉曰雲臺中丞精窮經義校讐考訂一木爾雅說文愛才好士凡披一藝之長者皆蒞歸之相與搜采篇章鉤稽典故購人傳集推步之法尤近日經籍纂訪又嗜算術撰購人傳集推步之法尤近日名儒所未有吳蘭石曰雲臺先生學深博無涯涘泠詩亦從經術性情中流出金和玉節卓然正聲詩話文達政績學術承乾嘉極盛之後規模博大餘齋近體風格亦近中唐題詠金石之作不因考據傷格兼覃豁之長而祛其弊才大故也公持賦以眼鏡詩四目何須此重瞳不用他二語被持賞擢第一賦後有臨清舟中詩云高宗壽八旬目無雙鸞照臣賦眼鏡詩得優詔蓋紀當時恩遇之隆傳為詞林嘉話在朝屢至萬柳堂游宴賦詩有云但是鴛鴦

飛到處管教風景似江南歸田後築別墅於湖莊曰南萬柳堂汪醉鄉廷儒爲作圖文達自記手書於後時年已七十有七此圖今藏余所

曲阜城東

庫門東去意蒼茫泗水西流向夕陽陵上白雲留少皞地
中黃土認空桑策書字在郊麟死鐘鼓聲銷海鳥藏過客
未談三古事莫教先賦魯靈光

同人登岱至對松山日暮而返

未及上翠微暫攬松山勝嵌巖置修除緣壁起盤磴拂衣
千仞上闌危不可凭峯高多夕陰天半風初勁坐我萬松
間蒼翠互相競白雲橫不流中有新寒凝林壑媚幽姿泉
石動清聽已忘世人情羨彼飛鳥性

壽聖院西南石壁上有龍洞出入里許

神龍抉壁入破壁復飛去龍去壁已穿介然用成路當門
立大佛乍見心疑怖石泐面如削曾向夢中遇前多夢石人無面今
所見過此入深隧秉燭遂暗度俯行尻益高相呼不相顧
一隙忽生明目開夜響曙不知出何山奇險更難步手中
得葛蘿足下生松樹蜿蜒攫爪痕是我題名處

萊州蜉蝣島

山根走入海出海更成山一碧揩銅鏡孤青擁鈿鬢潮生
春蟄起月黑夜珠還誰復能齊物蜉蝣天地間

登蓬萊閣

下見滄溟上絳霄城頭一閣獨超超天能包括鯨波靜日
有光華蜃氣銷島外帆移千里目坐中人壯午時潮曾游
山海東經內鄺注江河總寂寥

大龍湫歌

山迴路斷溪谷窮，靈湫陰闕龍所宮。眼前無石不卓立，天
上有水皆飛空。飛空直落一千尺，鬼神不任疏鑿功。絕壁
古色劃爾破，山腹元氣冲。然通有時靜，注絕不動春。陽下
照神和融，有時飛舞漸作態。已知圓嶂生微風，一甌春茗
噉已盡。水花未散猶復搖，玲瓏颯然乘颺。更揮霍隨意所
向，無西東不向尋常落。處處或五十步，百步皆濛濛。豈料
仙境在，人世誰作妙戲。惟天公雲煙雨雪銀河虹玉塵冰
穀珠簾櫳萬象變幻，那足比若涉擬議。皆非工石門飛瀑
已奇絕，到此始歎無能同。惟有天柱矗立龍湫中，屹然百
丈與此爭雌雄。

八月望後至海甯州登海塘觀潮

錢塘江湖秋最巨未抵鹽官十之五我來鹽官塘上立月
初生霸日蹉午江水忽凝不敢東海口哆張反西吐潮不
推行直上飛水不平流自僵豎海若憑陵日再怒地中回
振千雷鼓馬銜高坐蛟鼉舞拔箭倒發錢王弩須臾直撼
塘根去搖動千人萬人股如捲黑雲旋風雨如騁陣馬鬪
貔虎如陰陽炭海底煮如決瓠子不能禦三千水擊徙滄
溟十二城隳倒天柱氣欲平吞於越天勢將一洗餘杭土
吁嗟乎地缺難得媧皇補大功未畢悲神禹此是東南不
足處豈爲區區文與伍滄海桑田隔一隄魚龍鯨首相鄰
處我皇功德及環瀛親築長防俾安堵全用金錢疊作塘
不使蒼生沐鹹鹵邇來龕赭漲橫沙卻指尖山作門戶雁
齒長椿十萬行魚鱗巨石三層礎王充論前有古蹟枚乘

發後無奇語吁嗟乎此塘此潮共千古詞人心樂帝心苦

溫州江中孤嶼謁文丞相祠

獨向江心挽倒流忠臣投死入東甌側身天地成孤注滿
目河山寄一舟朱鳥西臺人盡哭紅羊南海劫初收可憐
此嶼無多土曾抵杭州與汴州

天台藤杖歌

福庭本是羣仙囿漢代桃源尙如舊仙人手種祁婆藤擲
與人間賽靈壽敲破鐵簧捫榔栗擎起蛟身看清瘦我來
天台親見之萬年嶺上垂金枝猿狖引臂弄光澤筋纏石
骨堅無皮鹿樵偶向夢中得七尺珊瑚淡紅色豈須芝草
始長生著手已能助仙力石梁雨滑生蒼苔聽笙看月登
瓊臺恐隨飛瀑化龍去直撥白雲尋鶴來持歸拂拭奉堂

上腰腳輕便不汝仗躍馬才從靈隱同橫膝聊爲壽者相
庭前倚杖聽兒詩如策長藤到台蕩

題五代馬楚復溪州銅柱拓本

此柱宋竹垞檢詩舊有二跋吳任臣十國

春秋載此文說數十字且沿五代史十餘之訛今觀拓本實土愁也柱今在保靖縣十里舊茅灘上館師彭芸楣大司空以拓本屬題

伏波鑄銅柱歸車得讒搆馬殷無功德天以湘潭授酬勳
在千年毋乃是華胄士愁一角蠻豈如徵側富不爲錦溪
長甘作辰澧寇盜用盤瓠兵敢與九龍鬪僭僞當盛時材
力每雄厚梯棧破溪塞焚林縛猿狖五姓跪飲血求誓僅
自救王曰與爾盟鬼神質詛咒伏波文學博四羊印曾奏
當年若勒銘定能正蒼籀天策十八人無出宏臯右雄文
與功稱所學亦不陋赤堊丈二尺鑿字硬且瘦惜哉猴掉

尾蠻煙蝕銀鏤前年有苗格露布出雲岫拓本來軍中南
昌辨其讀史校薛歐闕跋訂吳朱謬吾祖昔征苗午夜揮
兵走十戰九洞中碧血染袍袖此柱當戰壘刀鏤或親扣
挾册三摩挲仰視日中晝

同人分詠古十印得劉淵之印

漢寶缺角威斗亡永嘉六璽歸晉陽中間竊斂數十載天
生漢甥劉元海元海二角眞英雄蛟龍那得居池中可憐
王侯降編戶劉淵名但鑄頑銅此銅鑄印尙青組隨陸文
兼絳灌武朱范同門傳五經曾以書緘封印土無端玉璽
來河汾改元刻瑞增三文淵于汾中得玉璽增淵平陽光
昌漢天子豈監司馬家兒軍當塗典午皆成篡昭烈廟中
出降禪公主之孫能復仇人心到底思東漢惜哉和曜性

不仁不及李淵生世民若使石符奉漢璽諱淵久已如唐
人我今得印繫之肘剛卯金刀辟邪鈕回水爲淵屬象形
想見單于文在手

元海生有文在手曰淵故名

月夜拜滕文公廟

停車滕國廟寒月四更天老屋鐙昏壁寒林霜化煙平原
五十里殘碣一千年願與迂儒說閒來試井田

過密縣

鄒鄭風詩在今來溱洧間雲生風后嶺日落大隄山儉俗
皆陶穴

居民多就土崖穴處

嵩山三石闕歌

嵩嶽三闕同高低左右離立八尺齊啟母一闕距其北太
室峙東少室西誰其建者漢朱

龍

呂

晉

誰其書者皆堂谿

漢穎川篆隸詰屈銘句奧請降雲雨生蒸黎畫圖月兔木
堂錄典象隸詰屈銘句奧請降雲雨生蒸黎畫圖月兔木
連理駕車乘馬鉤象犀閣魏太武周久視夏暴烈日冬流
漸二千年來屹相向厥質麤剝厥色黧二室神祠始秦漢
產啟已說龕山妻要之陽城本禹地三塗四載應無迷此
闕靈祇久呵護歐趙訪古何未稽褚峻縮本我早見茲來
策馬尋荒蹊闕間頗足容二軌壁壘未可窮攀躋周魯雉
闕制可見雉度以綉非以雞氈槌拓取墨華黝寶之無異
摹元圭更洗奉堂額東石一行刻字名留題神君興雲闕
中起廟牆漢柏春鳩噓

四月十日同顧星橋吏部

宗泰

陳古華太守

廷慶

石

狀元

韞玉

三院長暨朱椒堂兵部

爲弼

蔣秋吟太

史詩

華秋槎

瑞嶺

何夢華

元錫

王柳村

豫

項秋子

塘張秋水鑑諸君子集靈隱置書藏紀事

尚書未百篇春秋疑斷爛列史志藝文分卷本億萬傳之
千百年存世不及半近代多書樓難聚易分散或者古名
山與俗隔厓岸岩巖靈隱峯琳宮做樓觀共爲藏書來藏
室特修建學人苦著書難殺竹青汗若非見著錄何必弄
柔翰舟車易遺亡水火爲患難子孫重田園棄此等塗炭
朋友諾黃金文字任失竄或以經覆瓿或以詩投溷當年
無副本佚後每長歎豈如香山寺全集不散亂名家勒巨
帙精神本注貫逸民老田間不見亦無悶雖不待藏傳得
藏亦所願我今立藏法似定禪家案諸友以書來收藏持
一券他年七十廚卷軸積無算或有訪書人伏閣細披看
古人好事心試共後人論既沉西湖舟旋飽蔬筍飯出寺

夕陽殘鷺嶺風泉喚

題家藏漢延熹華嶽廟碑軸子

太華三峯削不成夜來碧色無深淺仙人染作延熹碑飄

落人間止三卷長垣汪鵬一冊歸商邱宋肇今但損偏旁

最完善華陰東駒郭宗昌又一函椒花館中見者鮮謂朱竹

家以上二本皆翦我今快得四明本玉軸綿囊示尊顯豐

稜無唐人題名樓萬卷全船崎范天一錢潛孚三百年入我樓中伴文選子

宋尤表驚心動魄竹垞語七尺巖巖闕空展渾金璞玉天

本文選所成幡然不受人裁翦全碑未唐宋題字皆分明衛公兩

款夾額篆全身平列廿二行波磔豪釐盡能辨一字一朵

青蓮花玉女翻盆墨雲顛已已摹鐫向北湖市石察書書

佐遣湖邊更刻泰山碑時余以八月廿二日卸印入觀過揚

州以重摹秦泰山碑殘字與摹華

山碑同置城北四嶽色雙雙照人眼
十里湖橋墓祠中

覺生寺觀永樂大銅鐘

永樂洪鐘閱古今虹梁鼇柱屋沈沈銷兵秦政成餘習懺
佛蕭梁本疚心一棒難超無量劫萬鈞豈躍不祥金華嚴
輪轉熙朝後始聽蒲牢自在音

聖母祠

晉源之神舊名女郎祠宋熙甯中加聖母號
居正殿別立女郎小祠於泉上閭百詩會據
斷碑知爲
邑姜也

漫說叢祠住女郎亂臣原是古周姜雲冠松蓋山樓靜翠
葉銀花水鏡涼開母有姨居少室夫人辭帝降清湘后妃
治法分明在底事河東見武楊

游浯溪讀唐中興頌用黃文節詩韻

帆隨湘轉尋浯溪登岸欲摩唐宋碑密林接葉山徑寂青

蟲當路垂秋絲橋邊清波眼到底亂石鑿鑿藏魚兒蒼崖
百尺懸于西削成絕壁鳥不棲碑乃魯國之所寫頌乃次
山之所爲三千里外有水部十四年後無太師人賢地勝
文筆古過客墨搦爭灑揮壁立積鐵屹不動安者見安危
見危江湖豈獨漫郎宅又遣山谷來題詩各人忠愛各朝
事大部楚澤騷人辭事有至難最可歎靖康俄與靈武隨
惟有溪邊古漁父欸乃湘煙無所悲

送春日去桂林

人在天涯送遠春遠春還送欲歸人風光漸掃纏繚雨雲
水原隨淡宕身玉筍峯多通桂驛木蘭舟小望榕津祇憐
花事成狼籍那有殘紅上繡茵

唐荔園

紅塵笑罷宴紅雲二百餘載荔子繁十國祇知漢花鴨晚
唐誰憶咸通園咸通嶺南鄭節度風流曾見詩人言曹松
陪游老文筆丹砂溼溼霞軒軒前此英詞接扶荔曲江一
賦傳開元荔香曲破妃子去貢騎不復馳中原後此年年
荔支熟那堪屈指巢與溫桑田有改荔林在隱巖得地皆
唐思茉莉不强牡丹勝昌華廢苑成荒村方今承平嶺海
盛夷賚十倍唐崑崙貢獻屏絕尤物賤百蠻共仰朝廷尊
節使公餘但緩帶荔灣一任開園垣士民競赴半塘社東
荔支社以食多者爲勝勝則稱家荔支狀頭少則罰飲酒數大白家畫舫傾芳罇燕脂林
外立白鵝芙蓉塘底飛文鴛所惜游談但南漢何曾買夏
唐園論劉家暫竊枝與葉豈知本是仙李根曹詩巋然見
文苑古園不泯因詩存喜從新構得陳迹社詩千首題園

門詩人精魄自千古一亭便可乾與坤更向夢徵追老杜
試擘重碧輕紅痕

雲南督署之東園亭館花木之勝爲歷任所未有心
念此間宜有鶴未幾日忽飛一白鶴來翌日又有
一鶴盤旋空中鳴聲相呼薄暮並集於園月餘遂
馴且能舞矣作來鶴篇

我入滇池數千里載萬卷書非得已不將一鶴伴琴來多
恐禽軒累行李宜園亭館清如仙周遮竹地梅花天閒階
十丈草如席惜少泉羽來蹢躅忽聽園中發清唳亭邊橫
落車輪翅一鶴適從何處來老叟灌園詫奇事一鶴忽來
已詫奇翌日又得一鶴隨嗟我念鶴鶴豈知鶴來隨我誰
使之胎仙識我是清俸肯來啄料兼催詩我詩昔未向鶴

吟今與爾同萬里心羽帶點蒼山上雪夢入瀾滄江水深
風和對舞百花下露寒相警青松陰如此園林如此鶴屈
指廿年無此樂惟憶春明仙蝶來修書未了秋花落昔大人在京有仙蝶來園中

南雲行

仰看雲在天未辨行遲速今日穿雲跨嶺行豈知疾過奔
馬足平地風氣清吹雲天上行今日披雲動涼氣始知風
在雲中生山不見路惟見雲桃花梨花近不分北雲壓山
烏欲雨南雲映日紅氤氳下山直自雲中落雲中之人輕
似鶴翩然可是隔仙凡悵望山頭挂雲腳我聞仙人乘雲
兼御風仙家幻術安能通不如安坐南雲下笑指此雲稱
老翁

汪廷珍字玉粲號瑟菴江蘇山陽人乾隆己酉一甲二
名進士授編修官至禮部尙書協辦大學士加太子
太保贈太子太師諡文端有實事求是齋詩文集

示孫作

頭角崢嶸已長成之無未識漫伊嚶忝嘗學拜隨人後棗
栗分甘慰我情欲勗箕裘愧弓冶願無災難莫公卿城南
數畝堪勤力爾牧黃牛爾父耕

送吳穀人祭酒乞養南歸

自憐魚鳥性十載客長安拙任升沈幻貧嗟去住難壯懷
雙鬢短歸夢一鐙殘何日煙波裏從君把釣竿

顏時普字穀田號雨亭南海人乾隆己酉舉人官太常
寺博士有觀心貞元諸集

訪杭坡先生釣臺故址

壯歲遼東戍歸來一釣翁功名符止水師友剩高風斷碣
蒼煙外危磯夕照中桐江有遺蹟寄託古今同

張青選字商彝號雲巢順德人乾隆己酉舉人由知縣
歷官湖北按察使降浙江金衢嚴道有清芬閣詩集
抵南安

到此家鄉近一時懷抱開離隨山勢盡人逐雁聲來回首
西湖隔關心白髮催明朝過大庾應見嶺頭梅

朱廣川字松谿嘉興人乾隆己酉舉人官邵武同知有
政和堂遺藁

西塞

峇堯勢接建昌城江表興亡此戰爭當日南徐通北伐他

年西晉罷東征白衣感歎功何在青蓋謠言兆已成會獵
不聯脣齒助無緣歸命俟烏程

滄湖山寺

飛泉百道下寒空路轉山迴境不同古寺白雲人迹外疏
林黃葉磬聲中煙銷東嶺秋經雨日隱南湖夜起風暫叩
禪關深竹裏靜聽仙梵卧花宮

曹應穀字似之號式堂又號也農嘉善人乾隆己酉舉
人歷官永叙同知改定海教諭有寶笏山房集

感懷雜詩

涼月忽在牖曉風時啟扉草深螢火滅林靜蟬聲微仰看
山容瘦落葉上我衣萬物各有託盈虛理不違班姬苦離
別團扇情因依人生貴行樂吾道未爲非

中年多哀樂頓失強記力手披書萬函心游天八極掩卷
輒健忘開編疑舊識束髮受六經如石銘胸臆儒冠來誤
人草草事塗飾歲月坐銷磨性靈半薄蝕恨不化蠹魚神
仙字三食捫心悔已遲名者學之賊

放言

湖海平生志蹉跎二十年神鯤秋試水雄劍夜摩天少達
眞非福奇窮乃益堅健兒莫相笑老將半幽燕

邵希曾字魯齋號舟雲仁和人乾隆己酉舉人官桐柏
知縣有松鳧室吟草

閱從孫懿辰童試諸藝斐然可觀率成志喜用坡公
賀子由生孫斗老韻兼以勗之

畏景苦炎蒸風亭思櫺沐佳文來穉孫急披若新浴老眼

忽一明細書耐三復理法頗愜心精神亦滿腹山公曰馨
兒韓門數高足出語驚長老翹秀動凡目不作巨川舟定
是豐年玉念昔爾高曾德累膏加沃莫學癡伯翁官同魚
上竹業精無過勤學優端在熟積書如積金能使要能讀
勿局管中窺當穿垣外矚麟角果然成鼈頭不難卜吾宗
久未振汝志毋待督

答友

悔讀司空城旦書廿年中土卜行居栽花瘠壤知無色採
藥空山意有餘鴻雪因緣原偶爾雞蟲得失究何如打包
輟講都前定一任浮雲過太虛

勿謂因依入世深瓶城嘗守昔賢箴素無炙轂雕龍舌兼
少恩牛怨李心無事更悲於厭事翔林行復自歸林吳儂

生長湖山曲肯忘吞光飲綠吟

秋學禮字立亭浙江山陰人乾隆己酉舉人官秀水訓

導有補齋集

詩話立亭熱儀禮嘗刪節經文以授學子首尾貫串能舉其要

望雪

連夜朔風勁滿庭殘葉翻萬山都削玉一鶴尙當門沙遠
若無岸樓高知有村愧非梁苑筆相對且傾尊

彭鼇字戴五號海觀南城人乾隆己酉舉人官廣信訓
導有漁欄集

題新扇

相別又相逢相別不相顧年年悵離別棄予在中路其舊
不如新其新終成故回憶棄舊情作此迎新句

胡昌基字星祿號雲佇平湖人乾隆己酉副貢有石澗

山房詩集

詩話雲佇博綜經史尤工詩文嘗繼沈客子構李詩
繫輯康熙後至嘉慶初詩爲續編與二子金題渡山
金勝東井昕夕搜討二子皆前卒雲佇喪明幾不能
成書晚年目自愈乃編次爲三十九卷未及付刻其
從曾孫敬堂謹藏之咸豐庚申秋方曝書寇驟至敬
堂挾書出墮於水方撥拾掩護遇寇殉焉亂定敬堂
子廣熙獨抱遺書至宣統間邑人士始購資付刻析
爲四十卷雲佇父子纂輯之勞敬堂父子保守之功
幸不淹沒云

泉南十柳田家圖

占得幽居泖一灣門前垂柳綠陰環晚潮過後桔槔靜坐

聽蟬聲出樹間

白板雙扉黃土牆場開碌碡午風涼故人有約來相訪家

在珠溪第幾莊

蓋方泌字季源又字春舫號碧軒蒲臺人乾隆己酉拔

貢歷官臺灣知府有春舫詩鈔

詩話春舫官陝西攝商州州同駐龍駒峇張漢湖擁眾來攻以鄉兵禦之屢破賊以是有聲於時擢守成都仍督鄉兵屯川陝道上賊至輒引避憂去復起守臺灣彰義饑捕劫者七十人置之法天乃雨民呼爲太守雨蓋卓然循吏也

雜詩

素位行吾願富貴甯可期世有要路津比肩走奔隨一旦
致披猖羣小更詆訾勢在則交合時去則情離速登者易
顛徐進者少危豈惟關人事天道恆如茲思之已爛熟熱
官未可爲

士須志經綸學乃有所託讀古聖賢書非以資醜博利器
資世用遇事解盤錯處士盜虛聲垂紳縻好爵勿爲旁人

噉若輩束高閣

樹木憂其蠹保民除其賊賊足爲民害蠹生木不植治道有主術厥惟司牧職痼瘵切中懷不以文貌飾如苗之有莠鋤必剪其慝

鷓鴣巢一枝翩翩意自如翳薈蒙龍間游集亦有徒毛弗施器用肉不登庖厨行不避憎繳止不羅罾學翰羽卑且飛背距形不殊飲啄隨俯仰與世更無須人生温飽外汲汲求贏餘

樹黍不獲稷樹怨無報德福先不可爲禍始豈有極山生金自攻樹生蟲自食甘泉必先竭直木必先賊碌碌者如玉落落者如石高名易招尤眾口滋毀積

萬物如蜩翼恣睢恆多尤茅茨安華屋緼袍麗袞裘寒泉

肯醜醜藜藿逾珍羞維彼象有齒乃致焚身憂維彼雉有尾乃中犧性求金谷尙奢侈終爲奴輩謀

輪人斲輪說得心與應手甘苦疾徐間不能宣諸口運斤忽成風妙術得未有悟超規矩外法非繩墨守斯言可喻大微吉契莊叟

秋水集行潦奔流積石間望之無厓渚河伯顧欣然東行遇海若乃始望洋歎江漢共朝宗翁受納百川挹注無盈科虛涵大地寬區區拘墟見蠡測知其難

山雷可穿石井綆可斷幹漸靡使之然由來非一旦悟茲損益理道揆有同質積德日以明積慝日以暗寸陰當是惜勿生玩愒歎

蟻穴覬泉脈老馬知迷途陋茲凡物質靈異著其殊世人

詡自用膠固如守株千慮而一得乃或在愚夫其道惟先
民下詢堯與芻聖人取眾智善謀審幾初

黎簡字簡民一字未裁號二樵順德人乾隆己酉拔貢

有五百四峯草堂詩鈔

洪北江曰黎明經詩如怒貌飲澗激電搜林張南
山日二樵喜讀莊子詩亦多用莊子有句云老生所
讀書南華性之適又好奇以七古論之有清奇者如
湖上秋光闊無著約束結成明月團有雄奇者如刀
色抱人不見人人乃聲出刀中央有瑰奇者如黃昏
碧火行木客陰洞雄狐拜金馬有幽奇者如長狐嘯
血成碧苔一絲冷夢尋不回語昔匪夷所思符南
樵曰二樵書畫冠時為詩生峭結澀少陵所謂語不
驚人死
不依也
詩語二樵生長南甯弱冠歸里李南澗勸之出試以
擬昌黎石鼎聯句見知學使李兩村後膺選拔未赴
廷試生平足跡不踰嶺詩名滿海內嶺南作者屈陳
之後允為大家其論詩進秋谷而退漁洋於同時惟
稱黃仲則題其集云或言君厄才僅得樵與班君才
擬萬象樵也小焉頑類感儻雲龍天授殊易艱蓋皆

獨往獨來不屑依傍門戶若備其
得力所在於杜陵昌谷兩家爲多

鼓湧灘

是灘又名壺灘舟師
云吹喝則盤渦起

舟人輕風波至此慘不語脈脈奔長江畏色自太古上舟
鈍若石下舟猛於弩盤渦入地叫聲過十里許北風吹木
葉神氣棲破宇孤猿鳴空山漠漠日色苦西江三百灘是
已一二數昔覩李尙書鑿徑濟行旅慘淡石見血無乃蛟
龍怒惜哉水不尺勞深力無補我生固習坎何如此深阻
危襟坐如夷洞然見肝腑

龍門灘

西江幾千里有力使倒流甯石張厥角直欲礪我舟竹纜
如枯藤裊裊山上頭失勢儻一落萬鈞亦浮漚潯州兩江
水其北導柳州上逼銅鼓灘下握相思洲龍門在其中神

物居其幽往往一夕泊曉不辨馬牛龍堂洞壑夜窈天雲
雨秋繁予屢經歷不爲風波愁肅然慎前途毋爲二人憂
望仙坡最高樓

在眼山川故國情崑崙寒翠古邕城短長道路供離別少
壯交游半死生雲色黃茅秋瘴盡沙光碧玉暮江清平安
郡邑南征後偶問途人不說兵

邕州城樓

歸心東與急流爭又見飛帆西去程知有年華在前路可
教人事但長征雲移日影流山色風挾江濤入雨聲此是
吾鄉好時節水村茅屋罷春耕

畫鷹

別東道主人
人請題詩示客

老樹秋落日古牆風滿原蒼然眉睫動誰以羽毛論有想

終能去無羣亦忘尊他時燕雀上酸目見飛翻

春郊

桃花藉芳草白馬出花嘶初鳥聲猶濕春人年並齊含思
各深淺同里異東西相見不相問青山畏日低

寄黃藥樵

牆頭暮鴉飛不起鴉背松聲冷於水如山北風壓破屋拍
枕大江浮兩耳窗竹偃蹇欲折櫺急雨落瓦寒有稜飢鶻
嚙嚙狀嘯鬼紙窗琅琅如裂冰風頭愈大雨點重松子踰
時尙跳動鎗危在壁寒不明心戰如波靜還湧我憶滇山
西遠征冰天苦月寒崢嶸兩奴爭被靜一閱獨馬戀人悲
自鳴身勞歸惜妻孥苦裘敝倏驚年歲更煌煌肥馬從朋
友跼跼飛鳶閱死生還喜爾情過絕以病示人無病骨

明日梳頭視青鏡
今夕苦吟得白髮
莫思廣廈庇眾寒
少陵詩翁古迂拙

橫江詞

橫江渡頭江水藍
東風旗影落澄潭
人生莫作橫江吏
日日江頭數別帆

荊州歌送客

鷓鴣聲裏夢黃陵
眇莽南浮記得曾
獨憶劉郎古臺上
西風吹草晚呼鷹

刀歌

粵西得刀鐵雲南
治刀裝廣東買鮫胎
鍛者閩兒良邕州
王郎昔所贈謂我
深入宜提防貂尾
大帽峻耳馬送我
曰之黔貴陽是時
行者在道旁視我
氣色飛邊霜黔山
濛濛

四時雨雲氣竟月蒙衣裳深林絕谷黑路滑伐木取道排
樛芒走匿已踞一腳鬼叫嘯曾肉雙女狼醜苗自恃好身
手大環漆鞘三尺強蠻奴赤眼肉魄礪使與一試逞所長
陰風冷漂兩雪練白日緊繞雙虹梁刀色抱人不見人人
乃聲出刀中央千匝不放一喝止既止眼眩猶飛揚拱手
作禮俯首視視彼刀刃成鋸鋸凌朝打門語詰曲牛肉白
酒慚跪將自從護身還故鄉不以凶器驚殊方幾年魂夢
妥故屋一隙風雨懸高牆幽鏗啖啖試拂拭腥蘚古血交
蒼黃搗巢已絕金川羌山東獻俘繫名王武庫青紫弢其
光龍虎夜氣成吉祥東流湯湯粵海水蛟龍中怒風濤狂
沈之千年無再揚神物自合山澤藏我去采藥騎仙羊

秋寄

比世集言圖卷一百一
向曉秋雲飛雲飛人欲歸黃葉夜來下青山行處非新寒
警薄袖小怨託鳴機莫以風塵色能污蘿薜衣

水簾洞

千百石疊逆匯此一簾水清寒先迎人去此尙一里懸雪
薄不破奮雷伏難起靜極入山客雲水勞未已想見洪荒
來衕湧遂至此崖藤老盡力石樹凍半死棉裘凜稜鐵骨
戰及吾齒投暄出陽阿回顏有生理

予嘗作羅浮觀日圖贈周道士今日忽欲復作此圖
寄何徵士勤良爲先作詩寄之

羅浮欲雨天突兀暮雲晚山辨不得不知一夜雲化水洗
出東南半天碧二樵山父黃葛衣踏曉獨開山上屏夢然
冥海萬里黑中有滄涼紅百圍赤明道士亦好奇獨愛此

景請畫之畫之別我向南去衡岳洞庭行挈隨此人今已
雲水杳此景恐爲人世知我亦出山忘誓辭畫亦彷彿不
可追可憐牛馬走塵土更復身心傷別離何郎昔訪我對
我終日坐歸去橘柚鄉別我一載長秋風幾日吹綠草盡
捲江聲入懷抱心尙波濤定後驚身向朋儕最先老榮名
願及飢時貴絕技原非死前寶昔寄畫一紙畫山不畫水
今乃更一端畫水不畫山要令碧海湧日破爾粉壁青
苔間於陵先生夢葵食夢亦傷廉心不安何如對此飽亦
得不飽可質飽可還苦心作詩乃無益君不見杜陵野老
不得食

江亭寄羅海韜

大江前橫月色陳今古蒼涼氣如夢寒亭一夜波浪急千

里清光爲誰送君昔失意方壯年石潭秋風無釣船石潭

居

處白波紅樹使人惜黑水黃茅空自憐廿載悲歌走蠻道

半梳秋髮成詩老枕邊鄉夢出三江江聲雨聲共懷抱眠
時雨低眠不長曉來路滑行復傷傷心念我同游子遠別
七年滄海旁君今憶我舊多病我昔比君今更狂出門乞
米入門笑宅邊柳樹花如霜風吹柳花雲撲香東飛西飛
不著地落處還著我衣裳

浴日亭

海曉雲壓水上有山壓雲晨颺轉鼓帆萬嶺懸空奔夜約
弄曙曦睡起已半晨孤峯抱萬木昨葉媚古皴暄色炙亭
瓦綠蘚含日痕枉步就陰磴免局虎豹蹲連山湧蒼濤西
北赴海門指顧不敢走對立勒兩軍東南削之平坦掌八

絕垠地勢萬里上蓄此一阜尊他山互爭雄不得當要津
西脊疊後嶂檐角日易昏迴光蕩東溟呼吸陰火焚日出
與日入同奇乃殊聞我來晚孤賞庶與識者言呂生古狂
士才力大負掀題詩感神靈雲旗颯風翻鞞作銅鼓鳴海
山相輦軒倏與林巒辭忽繼生死論北海桐棺深南海棗
刻存

李南澗題廟云法物
將軍鼓鴻文刺史碑

風雨蕪廊寒恐有碑陰魂

南海神廟懷亡友李南澗

海日入殿光瓏璵翻波盪日飛赤虹繞楹抱棟不得住蛟
螭四走光熊熊袞衣流雲月滿容心約一寸肅萬松晦明
雲霧寒斂面如有神物循人踪鉤瘦大叩鳴緣銅十切殿
壁鞞鞞空徘徊外視白一氣海色直入陰睛中甯知萬年
黑波底猶有法物羈求雄雨檐風廊建文石刺史一版墨

蘚濃昂藏古貌如老翁其餘高卑若兒童摩挲未有旣植
從掌至汗石不可通忽來感逝憂叢叢大雲山人出山東
南來碑版搜搨盡是地昔曾來此公嗚呼遺墨近未脫湘
灘魂魄棲何峯昔聞一鼓走滄海滄海陵谷重相逢焉能
招魂致鬼友起爾靈氣尋靈宮文魚青蚪足水國霞衣霓
裳朝海宗髻乎揮手入浩蕩神與游戲於無窮送之颯去
遂千古出入侍從雙虹龍蓮花師子山色晚頽景千里層
波紅翕然光斂水氣上顧眎衣帶寒有風茲游忽感生死
別此生恐以多情終

寄陸徵君貫夫

紹會

白下煙波畫裏船朱方梅雪夢中天士龍實是鸞鳳子帝
虎虛糜犬馬年敲器周銘通欵識追魂唐版藉煤旣何當

遠道儲丹碧風雨松陵對榻眠

南海神廟觀龍取師子洋

木棉花如赤城赤花外元雲鐵爲壁中有崢嶸雪山白內

洋水立天柱直

黑雲下垂水兀上如冰山奇觀也

欲作波濤無暇力九關

虎豹萬騎隨二儀虛空一聲寒義和張馭日濡軌雨師無

權水覆石聖人御天神物馴安堵萬族噓吸勻天池不擾

北冥翼龍勢直朝南海神已飫鴻濛翻覆重不大聲色陰

陽分雲中猶垂尾百丈阿那欲上不得上有如天帝曳塵

拂雨腳如絲出仙掌忽然竟入雲切平一雨天下三日晴

百川得之皆倍盈乃知江海下以益龍屈神淵螭一尺二

物相需乃謙德

秋眺

暮色萬物淺海山秋遂深蛟寒依石窟樓迴出村林歎逝
驚生意蠲情費道心西風汝須惜疎髮詎能任

春泛詞

見柳猶思古朗甯

卽今甯甯府唐之邕州

江邊風絮攪離亭天西昨

夜崑崙雨綠得牂牁幾點萍

生涯

天供煙景地供花筆有溪山生有涯隨事詩篇作年譜不
知言語屬公家笑看蠻觸爭蝸角愁裊義和走日車獨立
滔滔問江水爲誰東去積塵沙

客舍

示疾毘耶乞鉢空眾香飢歲術須窮多文世有嘲揚子三
絕吾方笑鄭公地豨蘚雲隨意雨衣花香露過情風梅三

近日嫌歐九故稱詩乃爾工

同楊明府擬作登端州東門浮屠詩

南出福字堂東赴豐樂隄馬首立突兀陰到龜峯西初若
入地窟將次盤天梯仰高眼酸黑忍凍南霧迷蝸螺慚逼
窄頂踵相攀躋浩然諸天寬始見千峯低牂牁五千里蠕
蠕懸白霓蒼梧一點煙崑崙崙但丸泥西風中原外秋色來
萋萋寒峽束百粵其下巢蛟鯢何年倚天劍一劃分溝蹊
遂合萬古流忿怒爭排擠大地莽牢落半空留笑噉迢遙
後人心境在感亦齊

寄周編修書舍

狂簡疎狂也自容自矜柔翰勁於風一時脫帽傳張旭直
以橫刀揖董公甘製短衣看射虎誤操長技事雕蟲不知

骨相南天外到得瀛洲北夢中

題奚徵君墨梅爲邱少尹並寄懷奚君 詞

梅花消息天地靜夜氣空寒逼清醒花光月白地如雪亦
恐同行踏人影村中花事幾年闕天涯畫筆何人騁飽聽
奚生致通素也似梅花絕孤穎秋雲稜厲日爭力闕雨堅
凝土交迸淒然置我鐵橋上皎月正壓飛瀑頂想當邃古
無人處有此幽光貫骨冷似恐仙人太寒瘦轉憐春女媚
桃杏雙漿綠波橫水渡一抹未霞暮山景終嫌多麗工世
情不如獨行抱深省題詩寄遠慰海角邱君同懷人驟雨知南澳
響天井是時秋氣動澤國涼風西湖皺千頃樵夫未歸花
裏屋先役吟魂度梅嶺奚生應感露下衫獨擢湖陰返荷
艇作詩時七月廿四日熱甚二更大雨蕭蕭秋風已滿衣袂故並及之

夕望

樹杪寫金碧遠村收夕陽天青爲嶽色沙白亦湖光他日
蘭臺意孤風夢澤涼東南皆水國揚越一茫茫

種榕

嶺海多大榕大者逾十畝下疑雲雷屯上有日月古菩提
得根柯社櫟資液乳不祥與其壽有畏莫子侮鬼庭黑張
幔叢祠冷燃炬神鴉暮查查望雲叫風雨風雨夜窈冥以
膏此鄉土往往原上屋中夕咤田父浩然山海靈集以煙
霧語曉來邈無跡但見青臙隴南俗好奇怪曰是神洞府
沈沈羃煙靄咄咄隱鐘鼓今年於廟瓦西指斲一股村人
目瞠瞠怖畏舌爲吐明晨猿猴杙倒插我溪澗榕以倒插
易長大
十日雨霖霖小甲初破黍十年水深黑大庇若縣寓春村

二三月流花澹容與垂陰賦樛木拾翠有游女清夏宜老
夫肺病枕風渚調調聽竽韻潑潑得魴鯉無由附魍魅足
以障炎暑忽憶壅腫友香山老主簿嗜石昔米黻愛竹今
鄭簠主簿之衙齋榕根作門戶香山縣主簿馬君有臨號
用泉貧而好古齋頭羅致
古物摩挲忘飢管索子一詩未有以應於此偶及之遂以
奇馬君也世傳鄭谷口好竹凡玩好多以竹爲之必銘
以八分復自刻之

寒鴉

寒鴉畏影避不得天地并作秋水色浩浩煙霜千里高亭
亭三點兩點黑汝自哀鳴夜長極俯視嚴城深闌寂我自
竦肩鶴一隻苦吟喞喞雜歎息勸君雙眼清迥碧耐此孤
月凌厲白莫宿高樓最高柳主人已爲路旁客花房春風
吹舞衫舊燕新人不相識窮檐陳雀爾所見一瞬空倉不

得食何如入我香苑樹，益飯慈烏共朝夕。嗚呼汝鴉無肝
膈，昨夜淒涼今不憶。西風刺骨一萬丈，南枝微命幾寸翼。
答周生見寄

入村宜朝暮，開關卽平迴。雨光映山色，意與碧草靜。江帆
溼不飽，水鳥獨更永。溪魚漲後亂，波苻風餘整。天涼返物
態，慮澹出妙領。故人宵藩府，示疾得眞境。有適皆見新，無
礙詎知屏。浩然江湖心，遠接煙水冷。吾當披蘿衣，君指浮
瓠艇。

送劉明經香谷

世馨教諭清遠兼懷何明府數峯

青

小樓苦節以詩昌

劉母謝太孀人
有小樓吟藁

他日分羹有母嘗，士貴

及時爲孝子，我今垂老貢蠻鄉。一官齒漱冰壺冷，三峽眠
浮雪夢涼。更愛神山藐姑射，仙郎冰雪製衣裳。

寒江

朔風吹昏鴉查查飛復集西日東流水無語各自急仰面
杳柯舟決背一鳥入暮色莽浮浮人煙靜浥浥四時轉兩
鬢萬感赴獨立路人見吾老來者非我及西山古時青今
朝吾拄頰

觀水知西漲必盛作

西潦將盛時水氣涼朝晚諸山泛寸碧散若齒初靄雲染
黃泥平海攢赤岳空我懷邕州居飛檐俯江楯江中砥巨
石圍此千里忿聲驕溢地贖勢橫去聲浮天轉夜夜西北極
霹靂雷雨奮雲歎黑磐車雷掣陰火靱方增眼浩浩何處
淚泯泯兒時所習見往往亟三板江樓歛張動下若戰蛟
層崖崩駭剝膚舍避走絕贖牛馬安可辨渚涘無有矜長

蝮作霧游高鷲折風抃郡國坐貶瞬鄉路無遠近轉愁水

角壯

祥柯漲時諸灘皆失而水角險甚

誰喜灘面盡大象迴懸河哀篋激

壤堰崢嶸黔滇巔濫觴始誰引端州掄東吭倒吸西勢緊
石門束相雄峽山岌欲偃並力趨峽外始殺得平遠有如
萬里行開襟解勞軫廿年廣州住住久神魄穩他時遠游
歸牀席水石股險夢入險坎虛舟擲虛牝今無滑吾和亦
不嘉我遜懶非媚川蚪飽類飲河颺去年畚早田求益反
以損播種既數畝撈穀不盈租今年租也無眠食學蠶蠹
乾沒母訓數涇灰妻爨謹佐飯魚龍羹白小煮醢筍門前
水籬傍竹勒督可憶遙知蘆村闌自見茅屋隱漁歌深未
出剡權行屢返斯人不沈浮窮年因曼衍且將鳧翁盟恐
被達者哂

友人送西樵無葉井泉

璇源不湯湯靜貯岳色綠君汲一尺天範此滿盎玉清碧
凝堅光瑩若不可剝以指試一染寒稜屬相觸頗疑邢州
砂礪之未滑熟我憶山上井井上翳喬木木葉到井口水
氣鼓井腹水力重浮蕩葉勢輕感縮此以得異名生是天
使獨猿狖顧其影秋淨月肅肅一聲哀入雲眾樹凍盡禿
惟彼外不入浩然者內足使之出山流至海不肯濁樵夫
嗜茗飲瘠氣伐我肉茲泉格茲理踵息不違復吾當揮參
苓就此課僮僕養親盡吾年歸矣結茅屋

眾香亭餞梅歌

空山無人置古琴冷風七絃吹玉音更誰知此靜者妙而
我窈見天之心天心道心并詩心歸日梅花初照林土牆

缺處白漠漠酒杯天象清深深老樵於此不飲醉曠天席
地一月睡大光明出正法眼極嚴厲通古和氣炯然亦自
見吾真吾方喪我能語人烏嘯夢斷人間世月地雲階天
上春迢遙明月別千里送遠登山又臨水陰寒風雨生莓
苔慘淡菁華寄桃李

趙德懋字荆園蘭山人乾隆己酉拔貢歷官大理知府
有妙香齋詩集

晚至坊前村

望裏一孤樓依稀認舊游雲霞迷遠樹風露接清秋入室
人何在會同易彥二姪讀書於此今皆云亡臨溪水自流挑鐙宵不寐蟲語
助悲秋

畫卦臺懷古

漢相屯兵處荒涼畫卦臺河聲從北轉山色自西來上下
乾坤定陰陽日月開指揮通入陣遺跡沒蒼苔

張其祿號蓴湖沅江人乾隆己酉拔貢官凌雲知縣有
怡雲詩草

舟中對雨

五兩風微百丈牽蒼茫雲樹遠連天波搖新綠初添漲柳
染微黃半墜煙隔岸屢聞津吏鼓沿江誰訪孝廉船三杯
輒飽渾無事欸乃聲中自在眠

村暮卽景

行到山平處停輿已夕陽村春喧水碓獵火炊茅岡酒店
關門早山庖煮菜香搯筇看暝色煙樹鬱蒼蒼

尤維雄字祖望長洲人乾隆己酉拔貢官蒙自知縣有

二娛小廬詩鈔

同謝薌泉飲鐵門酒樓醉後賦贈

嫉惡心猶在休官道乃光舉朝憐汲黯當路避張綱乞食
游吳市行吟類楚狂酒酣歌一曲音節恐悲涼

舟夜

日午火繖張水沸氣如炙涼風解迎秋妙意得清夜灘聲
過枕函百里才一瀉須臾就平夷柔艣聲未罷篷窗三板
輕黃篋縛低架稚兒走踈踈強欲出其罅水中雲葉鮮流
影忽西射妻孥坐兩頭明月滿裙衩微生狎舟楫風水免
驚怕何況不失家白公語堪借

辰溪

秀絕辰溪縣岡巒列市闔流分九江水郭繞五城山大西

能採策丹砂好駐顏
繕完應有術烽火近諸蠻

寄唐陶山明府

我生出處逢轍軻交游落落晨星羅平生師友勞記憶
屈指獨數湘南多豕宰劉公能愛士禮曹謝客吾知已同
官近復得蕭郎恰與唐侯成四美唐侯靜者意有餘長安
數載淹公車安仁竟作栽花縣文舉嘗爲薦士書當時同
是諸侯客楚尾吳頭遠相隔邂逅相逢眼更青蹉跎拙宦
頭俱白九日清歌戲馬臺徐州幕府同追陪君愁車馬行
隄困我苦文書滿案堆去住因緣無定在鴻泥雪爪隨年
改已留明月照吳天忽送孤雲落滇海臨別多君贈別篇
行廚還頓石湖船公榮不飲情深矣中叔羈游意惘然一
載炎荒營薄祿此身已飽蠻煙毒自別江南不可聞瀟瀟

暮雨吳娘曲請急行當返里門故園松菊愴離魂衰親弱
弟知無恙歲晚猶煩一致存

江甯那園春讌詩

青溪笛步富笙歌幾輩詞人載酒過自昔江山春夢短至
今文采寓公多樓臺到眼皆雲氣耆舊關心有逝波不審
隨園舊游處林花魚鳥近如何

熊攀龍字步雲號小橋畢節人乾隆己酉拔貢候選州
學正有小橋吟藁

德溝春暮

雙雙紫燕掠江飛一路呢喃入翠幃報道落紅春不管東
風吹過釣魚磯

青谿江上

湖海倦游客嚴冬寂寞歸白沙洲尾闢黃葉樹頭稀洞古
藤懸幔巖寒草結衣青谿流水急時湧雪花飛

孫蔚字守荃鄞縣人乾隆己酉拔貢有逸雲居士詩編

屠臯園家觀張忠烈公像次前韻

日沒崦嵫後倥偬奮浙東單身扶弱主廿載守孤忠建國
鯨波裏逃生狝穴中南屏遺骨在尺土仰英風

同人約觀錢忠節公像余不果往次前韻弔之公名肅樂

芍泚鍾人傑殘陽欲返東江南傳吏治海外竭臣忠灑涕

封章內忘身戰艦中公從魯王浮海卒於舟中心符黃蘗苦公葬於福清黃蘗山

沙草捲秋風

黃鉞字左田當塗人乾隆庚戌進士官至戶部尙書贈

太子太保諡勤敏有壹齋集

詩話勤敏詩筆意雄肆於韓蘇爲近五古
亦清越可傳世人喜其書與畫遂掩詩名

乘月過古香精舍訪蕭琴客不遇

秋風吹明月清光羅幽林冷然下寒露不覺滋蘭襟隄高
湖水縮葉落谿橋深短籬足黃花入門多清陰眞侶具茶
果跌坐同酌斟鑪煙出雲房古壁懸素琴孤雲何處飛苔
砌空行吟撫景送征雁遙憶山水音

同友園初秋夜坐

庭蕉冒檐舒棲禽團竹聚秋氣集蕭齋空濛散飛雨颯至
衣在涼灑地點可數幽人居比鄰修夜杖頻拄樺燭代涼
蟾山茶敵醇醪孤賞寡所歡長言易爲苦露葵實已繁寒
瓜藤欲廂侯蟲不爲秋空階何獨語

題洪編修亮吉同年機聲鐙影圖

我生才五年先君卽棄世十齡慈母亡嫂亦相隨逝寄生
於外家六載若瘤贅憶初母在堂我年八九歲能作方丈
書顧我獎且勵謂可讀父書往往顏爲霽夜窗鍼黹餘課
我兄及弟一去四十年此境永潛翳覽圖觸我悲曩事何
若契君才班馬傳君孝曾閱繼機聲鐙影中一憶一流涕
圖之至再三魚菽以時祭伊子本孤陋附君得登第自慚
還自撾親骨猶未瘞行當歸焚黃已作終焉計薄耕卽無
田敢負墓前誓江水寒未波江梅香尙細我歸君儻來相
思定應嚏

十一月九日子卿招飲湖亭爲消寒第一集

放浪閒身又一年溪山好處日周旋寒猶未峭交初九月
已分明過上弦盧橘花繁香太烈紅梅枝老影逾妍行吟

卻笑天隨子奄有吳松賦自憐

七月五日移寓準提庵用田山薑移居韻

韋郎避漏眠于車

謂赤城

王生屋裏頻移家我居牆壞僕幾

壓舉室奔竄如驚鷹有庵巷北舊棲息踏鼓兩度趨朝衙

急移書籠召橘尤不憚行步爲敲斜

時病足

眼明階前兩椿

樹在昔屋後當梅花

梅花樹下僧廬昨寓前舍額

芟夷敗葉聽好鳥掃

除四壁供塗鴉詰朝七夕納二客

抱村子

庵門月好須當擲

仰天一笑席衣瓦補漏奚必煩皇媧

時京師屋漏者多以席覆之

山氣

山氣夜沈郭蒼茫曉未收寒風來絕塞入夏尙重裘盤馬
雪千里射雕天盡頭平生極飛動惜不壯時游

廣武

天險扼重山時清耕鑿間腥風虎飲澗寒月雁橫關畫角穿雲出驚沙點鬢斑明朝馳絕漠誰遣大黃鸞

六月晦日劉吉士

師陸

招余偕祚編修篤藻田吉士

嵩年

何孝廉

耿繩

崇效寺納涼次去年看牡丹韻

都門涼宇多歸僧與僧結夏夫誰能久思古寺暫消暑恰來嘉約歡然與山門綠暗樹如幄竹院紅溼花交媵頓遣平頭罷搖扇儼離裸壤思垂繒自從五月苦炎熱如坐深甌遭炊烝有時入夜大靄電疾風猛雨相憑陵朝來蘊隆略如昨日極禪閣無由登何期四子有同契合并令我煩懷激惟餘知舉留憾事獨遺表聖慙王凝今春主禮闈劉田皆登第獨失繩耿牡丹作花事已往楸葉又落情難勝是日秋浮生小聚類萍梗流光過眼如風鏡夏涼寒燠眾所願造物伊誰云愛

憎浮瓜折藕且取適襍觸熱宜爲懲試披畫卷問朴老
幾人來此招涼曾

寺僧蕪盤山朴公青松紅杏卷子國初漁洋竹垞諸老題者不下百餘人

園居漫興

池柳含煙色尙輕園居倏已過清明巢成樹罅芻尼隱水
暝橋陰科斗行退直嬾從閒客話答書老忘後生名龍鍾
枉被青山笑縱有田歸不耐耕

卧佛寺

殘月澹無影雞鳴天欲曙深谷藏招提一徑入雲路古柏
森兩行清香發朝露我佛疲清梁頗識卧中趣應憐塵世
勞半爲黃梁誤風旛裊鑪煙散入杪樾樹

蔣祥墀字丹林天門人乾隆庚戌進士改庶吉士授編

修厯官左都御史

詩話故事新進士釋褐謁祭酒坐受其拜且誠不得
動謂首動不利狀頭左右手動不利榜探相傳如是
不知所自始也丹林官祭酒道其子笙陔修撰登第
有朝士贈以詩曰回憶趨庭學禮時國恩家慶喜難
支阿翁不敢擬髯笑怪底郎君拜起遲亦一時盛事也

望衡圖爲熊兩溟題

先生飽讀書五車磊落胸藏天地廬詩筆縱橫一萬里山
川覽勝神蘊蘊講學武昌十五秋閒來攜酒登南樓二別
中峯盡在目直欲濯足江漢流憑欄不盡登臨樂還向樓
頭抱衡岳洞庭波濤思渺然十二青螺自卓犖惜不得平
叔紫金丹遙躡朱鳥控黃鶴又不得長房縮地方移取湘
帆九面置之几硯角何物丹青工描摹爲君寫作望衡圖
足踏芒鞋首戴笠一童抱琴來于于捫星未觀意氣壯開
雲已覺精誠乎指點層巒插天出雁聲幾陣飛過無岫巖

禹碑掃蘚讀石青字亦多模糊
鳩來歸訂游山草眼界何
止空蓬壺愧我卅年老京洛
僦居久被塵網絡一覽此圖
神欲飛願與同訂尋山約

錢福胙字爾受號雲巖嘉興人
乾隆庚戌進士改庶吉士授
編修歷官侍讀學士有竹房
遺詩

寶鏡詞

塵封寶鏡光輝歇一片浮雲
滓明月細調鉛汞試重揩輕
痕轉眼隨風沒朝來啟視無
纖瑕當窗照見顏如花祇憐
豔質易衰朽青銅伴影辜韶
華吁嗟乎青銅拂拭光仍在
韶華一去時難再

秋柳

歲歲紅亭送別筵千條齊映碧
雲天曲江今日重回首只

有寒鴉與暮蟬

十二月廿四日立春有懷漁莊漆林兩兄京師

昨夜東風生綺陌朝來綵燕簪輕幘人間可樂又逢春日
下還憐未歸客青旗繇會闐燕郊黃羅蹀躞翻雲翹夕陽
鞍馬忽四散寒鐙相對風蕭蕭憶昔楊盤會食時堂中白
玉傳青絲三年兩地縈夢寐一尊千里同愁思折梅遠寄
何人將仰天但見羣鴻翔人生安得如汝樂飛鳴到處皆
成行

夏日偶成

百年老樹對深廬綠意方濃畫不如檐鴿有聲將哺候林
蟬無力試鳴初日長差喜添兒課性懶生憎答客書一枕
故園清夢熟起來斜照滿庭除

水車

攜來龍骨事西疇蓄溉兼宜製特優漉漉蟠旋同轉軸聲
聲雅軋等鳴軋回頭忽益千陂水著腳如乘萬里流雨我
功成秋色晚卻連犂确枕沙洲

灑口題壁

策蹇重循使驛程薄寒天氣怯吟情行來大似鬪牛跡卧
後那堪聞雁聲酒罷深杯非澹泊燈留暗蕊不分明愁人
一夜渾無寐贏得霜髭三兩莖

石韞玉字執如號琢堂一號竹堂居士吳縣人乾隆庚
戌一甲一名進士授修撰歷官山東按察使罷復授

編修有獨學廬集

詩話琢堂詩體清華閒麗玉堂之秀嘗作
論書絕句三十首導源正謬持論甚高

山塘種花人歌

江南三月花如煙
菟花人家花裏眠
翠竹織籬門一扇
紅裘入市花雙鬢
山家築舍環山寺
一角青山藏寺裏
試劍
吸前石髮青談經臺
下巖花紫花田種花
號花農春蘭秋
菊羅千叢黃瓷斗中沙
的皜白石盆裏山玲瓏
山農購花
尙奇種種種奇花
盛篋籠貝多羅樹
傳天竺優鉢曇花出
蠻洞司花有女賣花郎
干錢一花花價昂
錫花乞得先生
冊醫花世傳不死方
雙雙夫婦花房宿
修成花史花陰讀
松下新泥種菊秧
月中豔服栽鶯粟
花下老人號花隱
愛花真以花爲命
譜藥年年改舊名
菟蘭月月頒新令
桃花水暎泛清波
載花之舟輕如梭
山日未上張青蓋
湖雨欲來披綠蓑
城中富人好游治
年年載酒行花下
青衫白帽

少年郎看花不是種花者

石尤歌

石尤石尤爾將令人勿遠游奈何阻我江上之歸舟江風
獵獵吹不已懸旌搖搖西北指江風西北吹江水東南流
儂家遙在胥水頭歸塗阻且修對面之舟疾于矢行者歡
喜守者愁石尤風不休令我生煩憂

夜過峯山四闢

路出峯山麓蒼茫夜色昏微雲常礙月疎樹不成村馬蹟
穿林杪河聲迸闢門文襄遺愛遠輿誦至今存

岳陽樓

蕭蕭木落繫蘭舟遙指君山似髻浮孤雁一聲天在水斜
陽千里客登樓魚龍浪靜滄江晚橘柚霜寒白屋秋生遇

聖明全盛日江湖廊廟兩無憂

湘妃祠

寒藤古木卷雙扉帝子荒祠枕翠微黃竹淚枯猶有恨蒼
梧龍去竟無歸神巫江上瓊蕭曲山鬼雲中蕙帶衣何事
嬋媛多太息騷人哀怨正聲希

靈風觀

在巫山

蜀山萬疊塞杳冥劫后導江驅六丁繫開巫峽通東溟雲
峯十二張翠屏楚王曾此逢娉婷我今訪古征權停攀陟
危磴高矜崿山巔叢祠竹柏青廡門泡釘熠繁星中有神
人坐明庭非妙二八侍玉軒爐煙裊裊春晝靜時有幽鳥
闕虛櫺空山無人語鐸鈴花氣醉人午不醒不筭久竹生
青甯神鴉迎客颺修翎洞房明潔塵不到靈山草木都含

馨我聞瑤姬生帝廷左右玉女給使令出入風雨走雷霆
太陰貴眞自鍊形豈向濁世儕尹邢洛川有妃湘有靈騷
人微辭多不經曲士妄言亦妄聽朝雲暮雨訛干齡我欲
馳煙向山庭削除舊跡鑄新銘山靈聞言若首肯世間綺
語空臆腥

陳慶槐字應三號蔭三定海人乾隆庚戌進士歷官內
閣侍讀有借樹山房詩鈔

雨中次桃花寺

新泥滑滑路盤盤古刹連雲欲上難春雨偶從行帳聽好
山卻當故人看燈明如海搖羣宿旗溼因風捲暮寒苦憶
小園深巷裏落紅堆滿石闌干

黃新莊

看飽蘆溝月行旌駐遠郊日高烘溼瓦風急墮危巢官柳
綠無縫野花紅到梢層城屹如畫一抹翠煙交

陳之綱字旭峯鄞縣人乾隆庚戌進士官國子監助教

有杏本堂詩集

詩話旭峯早歲負才名以孝廉考取學正登第時已
垂六十仍就原官法梧門祭酒選成均課士錄皆出
其手詩清藹有味晚年境益
苦請亦益進多未經人道語

記夢

胡爲在深谷朝旭開新晴蒼崖蔭松柏浮翠滴空明道人
四五葦羽衣翩躚輕一人化爲鶴導余前溪行恂悅入古
寺寺古忘其名中有龐眉翁聚石談無生聽之久佇立語
破理卻平颯然長風鳴幽鳥時一驚山溜何泠泠兼之清
磬聲

大司成法梧門先生過訪

落日掛簷楹閉關恣幽討僻巷車鞿麟歡迎屣忘倒袖詩
出相見慷慨哀吾老巍然人倫師忘形敦夙好汪汪千頃
波豁爾廓懷抱菊籬酒已闌松閣飯尙早清談良多時毋
乃愁腹橐先生笑謂余茗飲吾既飽車驅車驅之及此斜
陽道

李鑾宣字伯宣號石農靜樂人乾隆庚戌進士由主事

官至雲南巡撫有堅白石齋集

詩話石農初自刑部郎累擢雲南按察以獄失當
謫戍遭父喪放還復官西曹存陟方面至四川布政
兼護督篆簡撫滇中未上官而卒石農以不得終事
其父而又無嗣居恆抑鬱每見於詩篇沈思獨往慨
乎其言

馬勝花歌弔姜白石

馬塍花發春濛濛
馬塍花落呢
小紅花開花落春已暮
鸞鴉義燕驕
東風白石先生墓
草死年年寒食烏銜紙
玉友金蕉喚不醒
玉人金縷歌誰倚
只今水調按紅牙
杜宇聲聲訴落花
縱使雪麋能護惜
不知香夢入誰家

由富春至錢塘

莽莽水煙外
霏霏山雨前
野寒微有樹
江遠不分天
潮落安鱸穴
風吹冷鷺田
西湖秋更好
不到已三年

賈太傅祠

清風水面拂徐徐
太傅祠堂返照餘
文帝本爲恭儉主
漢廷誰識治安書
生逢盛世才仍厄
天奪中年志未舒
我熟瓣香來下拜
何如君昔弔三閭

平涼城下作兼懷閻柱峯太守會履時柱峯秩滿入

都

數峯殘雪壓城低，翻動銀杯滑馬蹏。
青史幾朝驅鐵騎，白頭萬里望金雞。
渭州山拱都盧北，涇水源生薄洛西。
不見故人閭立本，郵亭誰伴醉如泥。

浮雲

浮雲萬里氣縱橫，羃羃荒煙一望平。
雁塞天寒春不到，龍沙車過轍無聲。
霜嚴戈壁駝峯兀，風捲穹廬鳥陣驚。
到此不須愁寂寞，雪山長傍馬頭明。

推車謠

隻輪車雙足，趺夫爲推婦爲挽。
老嫗稚子坐兩頭，黃土滿身淚滿眼。
問從何處來，曰從山東來。
問從何處去，乞食遠方去。
車上何所有，破氈裹敝帚。
車中何所施，草根兼樹皮。

欲行不行行蹒跚昨日今日並無粒米餐長跼乞憐求施
一錢一錢不救君飢寒隻輪車車轉轂老嫗嗚嗚抱兒哭
賣汝難拋一塊肉不如老嫗經溝瀆

賣子謠

百錢賣一兒千錢賣一女小者五六歲大者三尺許十十
五五沿隄來夕夕于黃塵羸老姆謂兒女賣汝實痛汝
懷中一塊肉棄作路旁土老父謂兒女賣汝乃愛汝朱門
酒肉臭但去無所苦癡兒癡女不知離別難從人略賣衣
禪單衣單單心悵悵兒長爲奴女爲妾竈前竈後背人泣
王蘇字儕嶠江陰人乾隆庚戌進士改庶吉士授編修

厯官衛輝知府有試峻堂詩集

詩話儕嶠剛中有守介特無所倚入詞館有聲爲言
官屢上封事出守衛輝治事不阿上官意方舉卓異

入對遞引疾歸遂不復出詩感物造端情辭
婉約時比於宋廣平作梅花賦不類其爲人

除夕

過隙光陰逼歲除宦情歸計熟躊躇善和坊裏誰尋醉光
範門前恥上書溲落生涯千里外昏黃燈火四更初香消
獨展寒衾臥雪窖冰天冷不如

濤園歌爲許畫山作

作屏

同年作

濤園一名石林畫山

也在榕城烏石山南朱竹垞分書題額漁洋山人
贈詩有甌香眞擅八閩風之句嘉慶庚申畫山屬

張船山問
陶爲圖

老榕千尋到天綠綠陰下覆詩人屋詩人疊石作飛濤烏
石山南種花竹當時煮茗吟興長詩成紙尾題甌香竹垞
來閩訪兩汪汪薇爲書八分懸石廊一生愛好新城王贈
言手探古錦囊八閩壇坫推擅場里傳萬歲比叔重門有

月旦繼子將元孫誦芬來日下重乞圖書摹青蒼蕉紅荔
紫佛手黃榴花洞閉蓉山荒書留萬卷樹十抱斯園直接
松風堂百餘年來詩境變檢討尙書難再見錦秋湖上攀
柳條傾脂河畔流花片古蹟誰尋庾信居時人爭購元章
硯歸耕圖與載書圖塵中流落臨摹偏豈若清園處海濱
一家堂構有傳人果多橄欖回餘味嗚有蟠桃占好春園
亭亦寄滄桑慨平原片石今何在江南紅豆花滿枝藤蕪
脉脉長相思

辛酉夏月苦雨

蓮華寺外起風漪腹疾愁霖促鬢絲卧佛與人分榻冷溼
雲如我入山遲平蕪上屋開簾見飢雀尋巢隔樹知話雨
不禁危坐久藥鑪火熟已多時

陶家屋角樹扶疏，紙閣蕭然一榻虛。
牆缺暫教濃綠護，漏痕都似硬黃書。
懸河喜聽鄉人語，掀淖重邀長者車。
謂定九輪過林見舍北炊煙多，未起官貧敢歎食無魚。

重陽後十日晚過大伾山

傑閣風聲響海潮，不勝寒處近層霄。
雲邀暮色歸山寺，虹挾秋光落野橋。
仄徑無人支卧柏，清泉終古浸單椒。
自憐蒲柳凋零易，濟勝常扶瘦沈腰。

前度何曾識道場

八月過此未暇登山

重過猶及展重陽，新圖壁挂

楓千樹古，字天驚雁一行。石洞人酣霞外酒，丹房花拒夜來霜。
鍊師莫笑麤官俗，十七年前侍玉皇。

不分簡絮與胡蘇，故道誰繙禹貢書。
田舍薪茭官賦稅，山城沙磧古河渠。
微波競走催租吏，積雨難通治粟車。
眾妙

門前重竚立滿衣塵士髮蕭疏

南牖

欸乃盪空碧孤舟曉欲東殘春野色外樂歲市聲中鳥語
林端日潮音水面風漁郎尙酣睡隔宿一燈紅

淮關

晚市荒煙外重關積水邊閒雲過江散孤月入淮圓歲儉
增糧價裝輕減稅錢青青幾株柳曾繫去年船

題金檜門

德瑛

先生自書觀劇詩冊

蘇少時藏檜門先生書元人七

律一首筆法類褚河南後出鄒錫麓師門下於先生爲小門生因以所藏歸先生之孫筠泉孝繼光祿嘉慶壬申筠泉從兄素中太守出先生手書觀劇詩冊命綴數語其後蓋乾隆庚辰八月書與門生楊閔度瀟瀟近爲書買所得先生第十二孫小山孝悌購歸者也

少時藏弄先生書五十六字蟠驪珠高句麗紙老蠶繭河

南筆妙包歐虞豈知翰墨有瓜葛門生門下稱生徒能詩

光祿守家法書畫不許寒具汗

不設寒具
笱泉齋名

急拽行篋出眞

蹟珍比遺笏歸魏暮甌山不見錫山遠蘭亭眞本人間無

榻來晉陵訪老守銜杯共補消寒圖酒闌鄭重出詩冊冊

紙雖破墨未枯當時觀劇卅絕句絲竹陶寫聊自娛識是

先生暮年筆書成醉倩門生扶何期零落入書肆肯令散

亂拋中衢賢孫購得謹什襲趙璧價抵干瑤瑜架筆安用

青珊瑚薦地安用紅氍毹人生如戲戲易散登場傀儡空

喧呼若非老筆傳幻景焉得冷眼留眞吾如今試問吟風

閣更有何人唱鷓鴣

揚刺史有
傳奇數種

烏江

楚歌四面天茫茫數行泣掩重瞳光君王豈特萬人敵淮

陰自將十萬當東城僅存廿八騎猶能斬將誇身强大澤
掀泥走辟易神駢難踏波汪洋泗上亭長逼兄弟烏江亭
長須君王江東雖小尙足王一語氣已吞蕭張曷不用之
作舟楫漢兵後至無帆檣貨寶婦女委棄盡縱不富貴宜
還鄉胡爲刎頸贈故舊寶廼自暴非天亡至今遺廟向江
埃塵土滿目春風涼階前舞草何旖旎貞魂不屑爲鴛鴦
思將白鐵鑄項伯昇而踞之兩庀旁男兒失節美人死寘
令相對知慚惶惜哉亭長計不售姓名鄉里遺子長八千
子弟無一返孤兒泣血心慨慷鍾離昧存季布在呼使將
此板咸陽事功不成死未晚仆者復起誠難量鴻門一誤
烏江再杜默何緣涕泗滂

將至武昌先寄匡山

客星煜煜照江波聽盡吳歌聽楚歌黃鶴九霄仙蹟遠赤
烏千古霸才多燒春別貯蒲萄斛藻夏新裁蛟蝶羅曾共
玉堂天上坐不知今夕景如何

投老閒身一死生故人況有故鄉情芙蓉不解留王迴鸚
鵡何妨殉福衡短檝蕭涼邀月色新篇悲健雜江聲舊游
難訪洪厓洞

余及匡山皆與洪澗劉竹軒司馬橋梓交厚

西望長嗟淚滿纓

邵葆醇字睦民號菘疇宛平人乾隆庚戌進士歷官福

建臺灣同知有鞞華吟舫詩鈔

邳州道中

將曉留明鏡殘輝照客顏寒沙微有樹薄霧不成山村遠
雞聲近秋涼馬意閒生平追勝迹今日傍江關

桂馥字冬卉號未谷曲阜人乾隆庚戌進士官永平知

縣有未谷集

詩話未谷治說文奮諸家之說為義證沒後數十年始出闕通博拾成一家言工大小篆及漢隸詩多不留豪其孫顯說搜集刻行馬秋藥為作序謂其無意於為詩又言平日論詩多拘忌某字未極某對未工徐思涂乙則固非無意於為詩者即今所存類皆骨幹堅凝風格道上在同時流輩中正復未遑多讓無意為詩豈能及是

秋鶴席上醉歌

吳君煮酒酒不羣
 要余飲酒書八分
 墨摩一斗紙丈二弱
 豪不醉難策勳
 是時春暝窗半啟
 花香酒氣醴氤氳
 淺斟細酌到無算
 對客解帶微覺醺
 請試把管管無力寫出便
 付秦人焚紅杏
 小史真解事
 杯盤羅列腥與葷
 縱飲大噉雜諧謔
 花陰漸轉天將曛
 興酣落筆無束縛
 墨瀋不顧霑裳
 裙橫卷直幅盡揮
 灑苦無餘紙書嘉文
 旁觀暢意呼犬

好一贊亦足張吾軍乃知工拙在氣勢較量肥瘦徒紛紜
吳君吳君但願日日飲酒書八分富貴於我如浮雲

別萊州友人

東隅無事足徜徉怕見春風客路長住一年來如故里別
諸君去又他鄉長山雲斷天邊雁滄海田荒夢裏桑剩有
濤音詩數卷累人打疊滿巾箱

王西樵選萊人詩名
濤音集余爲開雕

沂州

茫茫大道接瑯琊齊魯遺風紀世家山到南徐如勒馬水
連東海盡盤蛇鄆城麥秀朝飛雉蒙頂雲開夜采茶千里
窮原多古意空隨節物惜年華

孔褒銅印歌

張儉亡命誰投止魯國孔褒堪依恃事覺儉捕褒亦收一

門老幼力爭死死者千年骨已滅私印猶存肝膽血友朋

一諾重千金何煩印信合符節石碑出土成曰科獨留名

字終不磨

其碑出於雍正間文多漫滅惟首行君諱褒字文禮數字未毀

一碑一印在人

世間中當有神物呵去年曾見寶武印漢人氣節如山峻

文舉之碑不可尋

梁書南康簡王績之子通理嘗祭孔文舉墓並爲立碑製文甚美

德讓

有碣字難認

孔謙字德讓文禮弟其碣猶存

我攜此印歸曲阜陳於碑下

拜稽首家業授受春秋經誰爲公羊發墨守

途中曉發

一鳥破寒綠秋意閒如客朝日明林端霜葉自修飾嶺下

亂水分山根孤煙直默默遠游子搖搖去何極

題畫

淡黃柳色小沙堤昨夜微霜秋滿溪月曉風清人未到藉

香常在釣船西

贈蘇卮園

卮園爲牛
空山高弟

不見空山老遺文都講知孤懷違世好靜力定羣疑貧借
僧寮坐閒爲弟子師名山圖籍在白首共相持

王麓臺畫

疊疊青山是富春浮嵐暝翠隔江津孤村十日黃梅雨行
盡松陰不見人

翁覃溪學士爲摹磚塔銘賦謝

唐書最喜磚塔銘惜哉破裂無完形河東一本是初拓懸
之海內如晨星欲攫不得三歎息歸把殘字空瞻瞳玉堂
學士莞而笑我有梁肉施飢僮羊毫一掃松風急百廿七
字雲英英硬黃響榻俱多事臨摹不數漚波亭滿堂傳示

稱快意孰知兩日勞經營學士初學虞永興有時闌入歐
率更上下顏柳兼褚薛全憑變法如寫生不然下筆求形
似得毋笑語同優伶不見摹勒重刻石寶鼎化作三足鐘
學士論書善取譬有似柘漿析朝醒尋常隻字足寶貴況
當妙墨雙眼明縱無蘭亭繭紙本我心足使平如衡

題漢瓦頭

瓦文漢并天下

赤帝西走入咸陽威加海內諸侯王匈匈數歲苦未定蕭
何制作開天闡前殿武庫連雲起東闕北闕遙相望胡桃
油溼鴛鴦瓦鬱金香薰玳瑁梁瓦文曰漢并天下不存戒
慎徒矜張帝赫斯怒諷過度大臣奏對詞牽彊天子重威
示壯麗土階在昔聞陶唐亡令後世復加此子孫藉口稱
高皇遂使濟南公玉帶編蒲割黍圖明堂君不見秦并六

國營阿房二世親降枳道旁可憐丞相收圖籍但效昆吾
作未央

高麗海苔牋扇

嫩於春草碧於煙疊就波紋半面牋海氣陰陰收不盡袖
中常似雨餘天

曉出肥城北郭

白露互山根山如水上出朝日照古原荒城抱秋色僻地
奇未探孤村遠不識薄寒上客衣立馬風瑟瑟

五嵐問西山之勝

君問山中幾日留西風立盡寺門秋秘魔厓下迢邏樹百
尺寒泉落上頭

古意

蓮子落秋水苦心空自知歲月如水深那有見蓮時

遺懷

開徧低棚扁豆花隨人去住總天涯秋風已老猶題扇布
被新涼頓憶家病後壺觴成故友夢中草木長春芽臨窗
破悶披書帙不爲生徒坐絳紗

醉司命圖爲吳穀人題

吾聞竈上祭厥名稱曰醜從走從畢聲義訓宜覈實歲終
百事了神亦職司畢送之上天去臘月廿三日行李已戒
途龜著並協吉何以答神麻酒糟甜如蜜神曰既醉矣出
門走趨趨

梅花堡題壁

萬木陰中流水遠三家村外斷雲閒若使此身能自主祇

應解帶換青山

大理

點蒼洱海捍邊城蒙段銷除六詔平山作圍屏十九疊水
如初月二三生龍關地接蜻蛉近鴛浦雲連鐵柱橫萬里
提封無事日猶煩重鎮戍雄兵

自南甯返馬龍

兩月南甯一日閒歸來倚檻看青山那知春老無尋處猶
在清陰細草間

柯枯里

毒熱柯枯里諸蠻舊託栖大河水腐曠野怪蟲嘒夏葉
先霜染晴山帶瘴低欲尋投宿處祇有一招提

張若采字谷漪號子白婁縣人乾隆庚戌進士官鎮番

知縣有梅屋詩鈔

詩話子白少以詞賦名與阮文達同鄉舉通籍則後
一年及文達督學浙中子白猶未授官因贅婚吳興
沈氏遂留浙爲定香亭客隨文達出按試七月望舟
泊蕭山湖中作泊月圖子白題句有云無數綵雲攜
客住一杯先酌苧蘿秋最爲文達激賞後謁選得新
昌令引見特調甘肅鎮番文達爲題西涼春色圖二
絕云獨攜書劍入西涼兒女英雄孰短長試問扁舟
行刻曲何如萬馬出姑臧河隴皆歸控制中白亭軍
領一城雄君王自有儲
才意要使書生立塞功

黃龍隘

朝發永康城午達黃龍隘山程五十里應接頗不暇峯迴
學螺旋礪峭畫緩界雲日互蔽虧榛莽發荒怪時有風泉
墮溼翠襲衣衿鮮花滑行屐登頓互相戒盤輿蝨其間點
破春山畫

黃龍不可攀白雲猶可贈益益山中春繁花垂古磴重關

昔據險龍戰幾決勝明初耿再成敗元總可憐笳鼓音曾
辱山靈聽今看石戶農布穀曉春醒閒閒雞犬家鬱鬱松
篁徑何限看山人愛此靈區孕

縉雲霽發由東渡歷荆坑交青木合桃花諸嶺午抵

卻金館

一徑入蒼煙寒光隨變滅流雲似奔馬練影不可繼支筇
逞腰腳路競緩揉捷天風激飛泉亂灑晴空雪陽粵春英
敷幽厓陰翠結遠勢上愈工奇情浩難詰不知心賞疲反
訝目營拙大手孰開山竟爲我輩設何必閩風巔茲游已
冠絕

江中孤嶼謁文信國公祠

篠叢活得樵夫麥宋室江山無半壁數徧鼉更血淚紅飄

零又挂甌江席一拳孤嶼將沈陸正氣扶天鼇氣伏洪濤
百折走厓山中有包胥萬聲哭當年丞相起義師將傾之
屢誰能支千艘碇海挽無力中川落日俱含悲德祐二年
炎祚否孤臣心事可知矣玉帶空磨盾鼻煙黃冠肯照錢
塘水空同何處攀龍翼一痛江心積竹石斷碑七字貫星
芒蜃霧蛟涎不敢蝕空山依約來朱鳥雲疊春江愁滿抱
宿莽如抽祖逖鞭斷磯莫認田橫島我來肅拜瞻公像社
屋牲牢問無恙只有松枝溜兩喬孤撐猶似冬青樣卸卻
蒲帆翦翦風欲招遼鶴弔孤忠游人漫蠟登臨屐齒髮山
阿草最紅

王應垣字紫庭諸城人乾隆庚戌進士官榆林知縣有

南行吟草

寄家兄春溪

折腰猶作吏甲乙濫科名君已郎官貴我爲山水行春雲
障灘曲秋月隔滄瀛天際孤鴻渺何時向北征

鄭大謨字孝顯號青墅侯官人乾隆庚戌進士官泌陽

知縣有青墅詩鈔

詩話青墅服官河南時值楚氛近
逼軍書旁午不廢吟詠風雅士也

寄白浦二十二叔

薄宦分南北關河隔五千鄉心歸落雁客夢到秋天海國
滄波外梁園戰伐邊叔司鐸臺南子辛
宛東時俱多警君恩浩無極兩地

歎風煙

宿大河屯

行行六十里夜宿大河屯霽瀑長新水秋聲撼近村鐙搖

雙劍影月露一弓痕
擊鼓搗天動沙場勞夢魂

登新野城

登陣南縱目雉堞瞰龍溝

離城南十里許

夕照千村暮陰風萬木

秋地通淮水曲天入楚江頭
莫道無烽火兵戈尙未休

晚過黑石關

向晚牙檣下急湍
雄關屹立石巔崦
亂山鴉影晴川夕昏
樹烏嘯故壘寒
北去遙連千尺岸
東風漫道一泥丸
誰能望氣全軍墨
岸噴斜陽指點看

叢臺

百尺叢臺杳靄間
行人指點趙江山
呂姬一去不歸國
和璧他時亦入關
月洞千年秋草長
眉池終古碧苔斑
月洞和璧俱叢臺勝景
滄桑幾變餘陳迹
併作盧生一夢看

封大受字仲可號荻塘德州人乾隆庚戌進士候選知縣有玉雨草堂詩草

鐵冶亭師惠示涉江集敬書一律

乍返珠江棹新排詩卷成江山寫清曉珠玉發晶句爲思親苦愁從憶弟生蓼莪真欲廢掩淚對孤檠

常山訪范文正公讀書處

泰山高矣小云亭茲山獨以副嶽名龍圖昔作山中客壑谷草木皆甲兵會仙峯南醴泉側抱卷看雲真自得先憂後樂天下聞所讀何書人莫測古人不共白雲歸月上松梢映石扉煙深已失來時路彷彿書聲出翠微

晚晴移詩匯卷一百七終